

habent, maxime sunt apta. acris autem aut amarus, aut austerus, aut acutus sapor expungunt potius & extrudunt, si quid inhæsit. astringens autem & acerbus nutriret quidem, sed penetrare non potest, ut adhærescat. Hinc est q̄ caudam cerui canes non degustent, q̄ ea parte, bilis uesticam id animal habere tradatur. & acrem melan-choliam, quæ terram sua acritudine fermēt, ne muscae quidē attinguant. nam nec in mari quod salsum uocant, quodq̄ animal oriri aut ali potest. Et denique hinc prouenit q̄ amygdalæ amaræ, pira maxime acerba, capparis à sale non lota, mala punica, porri, cepæ, & omnia quæ insignē maxime aliquam qualitatem obtinēt, si cruda edantur, nullam alimoniam exhibeant, sed ad educendum liquidum aliquod ex pectore, aut pulmone, quod expurgare conueniat instantum conferant. si uero ignibus do-mentur, aut elixatione decoquantur, ut aliquid illius qualitatis deponant: aliquod tūc quidem sed exiguum præstant corpori nutrimentum.

14 Cur uocem alij gracilem, alij magnam obtinent? An quia ingens uox uel propter arteriæ uocalis amplitudinem, uel propter caloris copiam effici solet, ut ex contrarijs causis exilior. quibus igitur alterum horum adest, non obscurum uidere est, cur uocem grandiorem edant. Hinc uiris uox grauior, quia multum calorem habet, qui dilatat & expandit arteriam, foeminis autem puerisque, & senibus, & ijs qui à morbo restituuntur, imbecillis adest, quia in illis arteria, qua uox conflatur, lata non est. in foeminis scilicet propter frigiditatem sexus: in pueris autem, quia nondū augendi tempus habuerunt, in ultimis, quia debilis mansit uirtus à morbo, ut non possit magnam quantitatem aeris pellere. unde uox efficitur acuta: quia aerem cele-riter mouent, propterea q̄ sit paucus, uel quia magis ob uirium defectum connitun-tur, ut qui statura breues sunt, in digitos se attollunt, & qui natura surdastrī sunt, spiritum magis uocemq̄ intendunt, quia ab alijs non exaudiri se putat. Magna autē uox & grauis, sit tunc, quando multus aer tarde per arteriam cōmeat, quia non ita facile multus sicut paucus impellitur. Ex quibus dubitare nemo potest, q̄ qui aeris arterias latitudine præditas obtinent, quas multus occupet aer, quē & grius moue-ant, uoces grauiores emittant. Non semper autē magnitudo uocis caloris multitudi-nē testatur, cum possit & calor esse exiguis, & arteriæ latitudo adesse. Natur-a lia uero, uel frigoris, uel caloris temperamenta à primis natalibus cōtracta, uox abū de redarguit. cū si calor à principio ortus, multus sit materiam paratam habēs: nō dilatare non possit. si uero sit modicus, canalis angustias cōmittat. ut si superet sicci-tas, uocis aspritudo causatur, si humor arteriam non æquis partibus illinat, & con-spergat, uox inæqualis perficitur. Porro uitulus & uacca iuuenga ue, grauiorem mugitum reboant, q̄ tauris iam ætate maturus. quia cum frigidum & siccum sua-

PROBLEMAT. ANTO. LOD.

14 pte sponte sit animal bos, quo magis ad tempus sui ortus accedit, impensis calet: ergo humescit, quo autem plus incremento proficit, siccitas magis adaugetur, cuius ratione arteriae intus indies meatus angustior breuiorque euadit, ob quam causam excisi boves grauius clamant, quia sunt humentiores, ut omnia execta non exectis. Quo fit ut bobus cornua si abscindantur, magnitudine proficiant, quia humor non deficit, tauris iterum non crescant, eo quod desit materia.

15 Cur si quis pulsantem nolam circu undique pallio obducto cōplectatur, nullus percipitur sonus? An quia aeris unda, quae intus in meatibus cietur, et agitatur, ferri foras prohibetur, ut ne pertingere ad aures, nec diffundere specie suam usque ad auriculam possit, uelamine imposto, sed potius immotus, et immobilis, et inagitabilis persistet.

16 Cur si quis dum pulsant cymbala, uehemēter clavum imprimat, cōtingit: ut frāgantur? An quia qua parte figitur malleolo clavis, aer qui illac meabat, intro uiolēter protruditur, quod cum non patiatur, ut qui se aeris cognato, et externo conneclere appetat, confringi illam potius praeoptat. Vtrum quia aeris fluctus, qui ueluti uallo facto circum undiq; congirabat, libere circu quoq; vagari cum non possit, offendens impedimentum, nec prorsum tendere, propter obicem qui interclusus est, nec citro retrorsumue gradum flectere liceat, eo quod alter ex aduerso fluctus in orbē rediens, magno impetu obuiat, illius fractionis est in causa. cum uis ingens motus, qua impulsus ferebatur, subito nesciat perdi.

17 Propter quid balbutiū nonnulli litterāq;. l. pro. r. pronūciant? ueluti Alcibiades qui celnis, procernis, et coluum, procoruo efferebat. An quia ut haec littera. r. et præcipue si. t. ut in hoc uerbo tremo, trochos, trano, præcedat, pronuntietur: opus est: ut lingua refirmetur, atque feriat supra dentes anteriores. Blæsi igitur euadunt uel propter tenorem, linguam mouentium musculorum, exolutū, ut non possint uehementer percutere: quod littera. r. potiusq;. l. exoptat. uel propter imbecillitatem muscularum, sicuti accidit ijs qui loquendo defatigati, alterū pro altero balbutiendo pronūciant. deniq; uel propter linguae siccitatem, ut in febrientibus, uel propter breuitatem, non potenter se porrigeret ad litterae figuraionem balbi efficiuntur. In sanis autem ut plurimum id oris uitium ei: enire consuevit, propter nimiam humiditatem à cerebro de stillantem, qua linguae musculi immersi atque dilaxati, minus uocem conformare possunt. unde et tales alii profluvio tentantur: descendente pituita ad uentriculum: et leuifaciente.

18 Cur aurium excremēta: dulcia quidem loetum, secūdū Hippo. amara autē nihil mali portendunt? An quia illis naturale est, ut amarore quodam sint prædicta, quod si dulcorem

si dulcore acquisierint, magnū à naturali habitu excessū, & proinde malū significat.

19 Propter quid qui singultu laborant, sternutatione superueniente liberantur?

An quia singultus nihil aliud est: q̄ contractio quedam & compressio ventriculi, ad pellendum quod in eius tunicis, & præcipue quod in ore eius (quod stomachum proprie dicunt) acre atq; mordicans inhæsit. In sternutatione autē fortiter thorax comprimitur, & calor colligitur, & fortius expellitur, quicquid pellendum est. Nam & nos si quid tussi expuere, aut aliud quid protrudere molimur, naturam in hoc emulantes, ualide pectus comprimimus, ut violenter expulsus spiritus, impetu secum trahat quod nocuit.

20 Propter quid in hieme magis singultum patimur? An quia rigor difflari à neruis excrementa prohibens, plenitudinem in eis operatur: quā à se remouere expulsione nituntur. Nā tale quid accedit neruis: quale chordis: quae ob nimiam humiditatem conuelluntur, repleti sīquidem; cum minime difflentur, distenduntur, ac si spasmus patientur. singultus autem quidam ventriculi spasmus est.

21 Propter quid pueri frequentius q̄ uiri singultare consueuerunt? An quia gulae, & satiem nesciētes, & inexplici sunt, crapulæ q̄ & uentri indulgent, propter quod semper in eorum ventriculis est quod irritet, & ad excretionem stomachum urgeat & impellat.

22 Cur si quis uinum bibat aqua calida temperatum, piperisque puluisculum scōbēue iniiciat, mox ad singultus prouocatur? An quia potus calidus deducit ad tunicas oris stomachi, piper uero sua accredine pungit: & erodit, unde singultus: qui nil aliud est q̄ motus quidam ipsius ventriculi ad repellendum quod infestat, uehementior tamen uomitu, nam is fit, ut extrudantur: que in lata ipsius spatiofitate continentur, at singultus: ut quod in tunicas oris stomachi (quod acutissimo sensu prædictum est) penetrauit: foras mittatur.

23 Cur cytharas & lyras artifices cum reponunt: remittunt chordas? An ut ne nerui disrumpantur, nā in Austrino & humecto aeris statu, madido quodam humore consperguntur & replentur, in Aquilonijs autē cōstitutionibus immodi cē desiccantur, atque ad eum modum: tum conuulsiones, tum singultus, cum à plenitudine, tum à siccitate prouenire Hippocrates obseruauit.

24 Cur quartanus rigor uehementissimus censetur? An quoniam ab humore committitur, qui & algidus supra modum, & crassiusculus magis est, q̄ ut facile discuti possit. quam ob rē qui id mali patiuntur: ossa confracta se habere dicitant: humoris nimirū crassitudie pergrauāte. Qui autē tertiano rigore afficiuntur, tū caliditatē quādā in alto sentiūt, tū uero in medijs rigoribus siti iterdū ingēti premūtur.

Cur

PROBLEMAT. ANTO. LOD.

- 25 Cur sub finem somni⁹ magis q̄d à principio sudores magis contingunt? An quia epulas à nocte ingestas primum quidem calor intus copiosus receptus concoquit, ut alimoniam membris tribuant, deinde uero humores postremo digerit per sudorem, quicūq; in halitus & uapores tenues subtiliari possunt.
- 26 Cur solam sudoris excretionem: somnus omnium domitor non compescit? An quia mere naturalis est, quæ omnia, in nobis uel tollere, uel ponere situm non est. Aliæ uero excretiones, & alii excrementa, nisi musculi qui in fine sedis sunt, recludantur, non prodeunt, quibus cum imperet animalis uirtus, quæ in somnis sopita est, & feriatur, & meatus omnes propter uapores ab alimento eleuatos obstruantur, per quos spiritus radius illucescere atq; transmitti posset, ut musculis uim atque facultatem qua orarecluderentur, præstaret, nihil mirum est, si excretiones in somnis cohercentur. Qui uero dum dormiunt uel semen, uel lotium, profundunt, iij musculos qui exitum inuoluntarium excrementorum, ceu quidam ianitores ante foras positi prohibent: resolutos (paralyticos Græci vocant) habent, ut uelint, nolint, diarrhiam in matellam, & gonorrhœam, defluxionemque seminis patientur, & uel inuitis alii excrementa tanquam ex dolio pertrito profluant. Pari ratione nec sanguinis à naribus fluores, nec sordidū detimenta quæ à coctionibus superant, somni prohibere ualent, quin ad cutem ferantur.
- 27 Cur corpus aliquod graue aut leue nuncupatur? An graue quidem id est quod deorsum naturali pondere fertur: leue autem quod scandit in altum. An uero nihil uere inum aut sursum est, toto sphærico existente: & semper terris incumbēte cælo, sed (ut Plato sentit) ponderosum id est quod difficile à suo naturali loco dimouetur: leue autem quod in sedem præter naturam facile pertrahi potest.
- 28 Cur sōnia autūnalia magna ex parte temeraria & uana, & icerta eſe cōſueuerūt? An quoniā secūdū Democritū plura simulachrarerū hisce mēſib⁹ cū folia ab arboribus cadūt, mētē subeāt & peruerat, tabescūt enim tūc oīa & mūdus ipse ad senectutē uergere & declinare uidetur. An uero quoniā per id tēpis hoīes plures fructus recētes ingerūt, quorū ea hora feraciore est, qui oēs succo plurimo incocto, & excremētitio scatēt, ab his cū in uentriculo ebulliat, & putrescat, quāplurimi halitus ad superna feruntur & caput petunt, à quibus mens perturbatur. Quo circa super fructus bibendum omnino Aristoteles tradidit, ut potus putrorem & feruorem, ebullitionemque cessare faciat.
- 29 Propter quid à longis ægritudinibus somnia ut plurimum futūma uidere solent? An quoniam cerebrum ſiccus est & aridus effectum, & multum à naturali temperie mutatum.

Cur

30 Cur eos quidormiunt uisa uidere & somnia omni modo necessum est, nec dormire sine insomnijs possumus? An quoniā tandem animal somno grauetur, quādiu somniorum uisus deluditur, quando autem uisa quieuerint expurgiscitur, & a somno leuatur. Vigilamus enim quoniam ab obiectis exteriorū sensuum auocamus, somno autem operā damus, quia mens & phantasias somniorū cogitationibus distinetur & occupatur, atq; ut nos interdum lectōni incubimus, uel alia cogitamus, ut somnus nō adeo obrepat: ita mēs uisa qdā intueri sibi fингit ne animās a somno excitetur.

31 Cur cū lectō nos tradidimus, placidāq; trahimus per mēbra quietē frequentius de obiectis uisus sensorij somniamus, ut de colore, figura, magnitudine, aut de obiectis auditus, cum noctu ueras audire & reddere uoces: strepitusq; opinamur, raro autem de obiectis aliorum sensuum per tranquillā noctē existimamus, raro enim aut gustare ore auido sapores, aut tāgere, aut odores nāso attrahere nos credimus? An qniam somnia sūt impressa imaginererū exteriorū a simulachris in memoria re conditis: porro spectra sensuum magis spiritualium, ut uisus & auditus, mobiliora (ut ita dixerim) sunt & magis tenuia, quare magis conformant: & excudunt phantasiam. At uisa idolaue aliorum sensuum crassiora sunt, & magis corporea, unde minus imprimere & afficere existimationem possunt, incorporeum enim a corpo reo pati, est nephās, si Plato uera effatus est.

32 Cur somnia ut plurimiū falsa & mēdacia experimur? An quoniam in nobis pars ea est, quæ format, & effingit, & ea quæ ueluti cera impressionē recipit, & rerum uarias imagines persentit, & phantasiatur. Sicut igitur ubi cythara & musica est, non deest modulatio, & si faber sit, nec careat materia, protinus ibi opus artis esse neesse est, & si pictor adsit, multosq; ad manū colores, & optimū atramentū pictoriū habeat, nequit nō uel tabulā oblinere, uel parieti tectorium inducere, uel non picturas deorū cōformare, sic cū apta pati & suscipere organa habeamus, & facile prōpta immutari, & acutissimā imaginationē, repēte sese transformantē in quos uoluerit cogitatus, & trāsmutatē ipsos sensus, in quos uoluerit habitus, nihil mirum sit: si per somnū: ubi magna sensū feriatio, & locus uacuo animo cōmentādi, mille species absurdas & graues concipiamus. & ea cōponamus, quæ nec fuerunt unquam, nec sunt possibilia factū. Cū itaque hominum anima in se habeat: & quod confingi, & quod confingere possit, facile hoc illi a se inest, quod uarijs seipsum afficiat spectris, & quod diuersas & monstro similes figurās admittat. Sensus tam intrinisci quam externi semper sunt apti moueri (nam sentire in affectione quadam & passione est, si Aristoteli credimus) hos phantasia & imaginatio atque intellectio agitata ab idolis in penu reseruatis, & temere dimotis,

PROBLEMAT. ANTO. LOD.

cient, atque motitant, ut nulla sit quæstio reliqui facta, si cum sint semper mobiles, & liquidi, lubricijs, & leuiter deceptibiles sensus, ipsoſq; perpetuo cogitatio mentis iugis perenisque agat, & alteret, horrendis uisis deformibusque deludamur. Pa- tiuntur uero hoc magis, quibus corpus uel multo præſum fatigatumque labore est, uel qui post longas egritudines tandem incolumes, sed corpusculo adhuc in- ualido atque imbecillo restituuntur. namque hosce quicquid modo rapere, & per- uertere, & eleuare mentem potest, facile distractabit, & ea imaginari cogit, quibus cum: qui humor in corpore præſt: cognitionem obtinet. An uero ideo ſomnijs fruſtramur, quia rerum ſimulachra in acre impræſſa, naclæ per noctem ſummam profundamque quietem, quod in nobis eſt perceptuum, afficiunt: perque uacuos cor- poris ſenuumque meatus penetrantia, eorum imaginationem inducunt, quorū ſunt defluxiones. Vnde Democritus (ut auctor eſt Plutarchus) diuos præcari, opor- tere censebat, quo optimis & bene compositis idolis obuiemus, atque quæ optima ſunt, & nobis cognata, ex ambiente potius: q; quæ peruersa & ſinistra: in nos im- pingerēt atque conſerrentur. ſuperſtitiosa profecto opinio, ſed quam tantū non pi- guit philosophum ſequi. Quemadmodum uero in iactu talorum, ſi multa iacias: unum aliquando recte iacias, ita contingit nonnunquam, ut uifa que reponita habe- mus, ita certa lege & conuenienti fœlicique ſerie componantur, ut ueri præſeferant im- aginem: ſpeciemq; nec falsa mentitaue deprehendantur.

Cur firmitius meminimus, corum quæ pueri, aut uidimus aut audiimus (ut etiā eſt apud Thimeum) q; quæ nuper, aut heſterna die geſſimus? An quoniā infantibus cognoscendi cupidis, tenacius & promptius quæcunq; diſcunt imprimuntur. Ut enim dulce bellum eſt inexpertis, ſic rudibus & imperitiis rerum: quā primū in- telligere coepérunt, dulcissimus primus ille eſt gustatus. & ut inquit Aristo. geo- metricis ſpeculaminibus gaudētes, geometrici euadunt, & noua puerorum ætas sci- entiæ inſcia, quicquid primo docetur, audiſſime cognoscit, & ad primo docentis ſi- militudinē, ut mollis cera conformatur, ut primos imbibit lana colores, & teſta ſa- porē, quo primū imbuta eſt, diuitiſſime retinet. An quoniā magis admirātur, ideoq; magis memoriae comedant. Admiratio enim artes fecit, primoq; rerum euētus ad- mirati philosophi, deinde earū rationes inuenerūt. unde ad fabulas & commentatio- nes pueri ſunt naturali quidā mēis inclinatione propensi: quia admirationē quādā ſecum afferunt, quæ mēis percellit. An quoniam paucas adhuc pueri intentiones perceperunt, ut nihil ſuperuenientes notiones à præcedentibus impediāntur. An quoniam uiri dum audiunt circa negocia uitæ ſunt intenti: pueri autem nulli alteri rei adhærentes: toti diſcendæ rei uacare poſſunt. An quoniam durati & perti- naces

naces sunt virorum sensus, ut non probe informari possint, puerorum autem et humidi, et molles, et sequaces, et ad quidvis suscipiendum accommodati.

34 Cur postea quis res gessimus: non mox de illis somniamus: sed interdum post multa tempora? An quia rerum simulachra interim temporis memoriae figuntur, et imprimuntur, ut firmius afficere phantasiam et imaginationem possint. Specule autem nobis nihil tale cogitantibus, alicuius reimago aut carmen aliquod in mentem uenit, quia spectra sensuum in penum et cella memoriae recondita, et assida agitatione delata, interdum coram imaginatio et sensu interiori, qui sciscit iudicium de rebus, nihil alijs idolis exteriorum obturbantibus, se sistunt et presentant.

LIBRI SECUNDI PROBLEMATVM

Sectio tertia continet nonnulla que ad mores attinent.



Ropter quid homines studiosi, et sapientiae dediti ut plurimum paupertate laborare solent? An quoniam fortuna (ut ferunt) ceca est, et inmerentibus omnia praestat, bonis autem etiam uictui necessaria denegat. An quoniam uirtuti cetera cuncta posthabentes, opes et honores contemnunt, et cetera quae uulgaris admiratur. Itaque diuitias non consequuntur, quia habere non curant. Facile est sapienti ditari, si uelit, ut Thales dixisse fertur. An potius quia si uirtus et diuitiae comites essent, et qui uirtutem colerent, semper opibus abundantem, plerique propter diuitias, non propter ipsam: uirtutem sequerentur. Ut igitur ipsam propter se ipsam uirtutem homines amplectantur, alterum ab altero disiunctum deus uoluit, ut qui uirtuti studet, minime auaritiae inferuire uideatur.

2 Cur matres primos natos ardenter et impatientius amat? An quoniam ea longius amore prosequimur, quae plurius constituerunt, primi autem liberi primum genitalia uincula claustraque ruperunt, et Lucina doloribus iuocari fecerunt. An quia matres tum primum dici et uocari incipiunt, quod magna cuiusdam reuerentiae reputatur. An quia pignus quoddam et uelut arrabone accipiunt, quo uiri coiugibus firmiori copula adhuc reant. Hinc igitur a matribus pueri impensis diliguntur, quia longiori tempore labores et enitedi partusque difficultates pertulerunt. Quos uero in senectute pepererunt, ideo etiam amare aegrius et affectuosius solent, uel quia ceteris grandioribus iam factis, adhuc sunt paruuli, uel ut fructum Veneris postremum, quem ultra foecundari desierunt. uel quia parentibus imbecillis praesenio iam redditus: Scipionem quedam, et baculum, quo imbellis et inualida eorum senectus fulciatur, sustulisse uidentur.

3 Cur senes ferme impudentiores esse solent? An quia ijdē propria et in uita multa et uaria sunt experti, sunt auari: metu ne subeant pauperiem, quorum mos

PROBLEMAT. ANTO. LOD.

est: ut undecunque: dum sibi congerant aceruum, iuste uel iniuste rapiat. An quia modicum de sanguine habent, qui teclorij uice ceu quoddam uelamentum in pudore protendi solet. An quia ad iracundiam sunt proclives, propter atrā bilē quæ in senescentibus dominatur, cuius ratione permanentiores iras retinent, qui senectute confecti, ætatis autūnum peragunt. An quia imbecilles facti in uitia facile dilabuntur, cum nullus sit intus rector, qui prudenter clavum gerat. An quia pueri parum sūt pudibundi: senes autem secundo repuerascunt, illique paremiae obnoxij tenentur: quæ bis pueros senes esse narrat. An quia ad ingurgitatiōes & potus sunt propesiōres: (quos acolastus & acolastænontas græci appellat) ingluvies autē iudiciū defīne cor rūpit, ut discernere nō possint, quid factu haud sit turpe, quid agere nō conueniat.

4 Cur pueri mathematū euadere periti possunt: sapientes autem & morales philosophi non possunt? An quia illorum finitimes, & postulata, & dignitates qui significant & præse ferant, haud obscurum est. At uero moralis disciplinæ principia: ut illis pueri assentiantur, longo tempore & exercitatione opus habent, unde si quando de hijs rebus interim iuniores loquantur, non scientes: aut fidem habentes, sed ut libris & præceptoribus credentes, talia pronuntiant.

5 Propter quid patri filium abdicare licet, filio autem patrem non decet? An quia hoc quicquid est id quod habet gnatus, id totum acceptam refferre debet parenti, qui uiuendi munus cōcessit. An quia pater præ filio quidam dominus reputatur: qui si seruorum suorum curam non agat, pœnae obnoxius non est, quia precium dedit. Si uero famuli mandata dominorum præstō prima syllaba audita nō fuerint executi, multas plagas accipient. An uero quia parentibus ut & magistris, æquis cū dijs honor cōceditur, qui si prouidētiā inferiorū nō gerant, ipsi culpæ sunt immunes: quia nihil debet, qui oīa dederūt. Si uero nos beneficiorū nō meminimus: ingratis uitio accusari possumus: qui bene de nobis promerentibus nō retulimus gratiā.

6 Cur in urbibus occidunt malos: & ex medio tollūt? An ne nobis sua uitæ cōmu niōe noceat, & ut uiuētibus tāq̄ similia passuris sint exēplo, ne talia cōmittere audeat. An quoniā in quibusdā uitiiū uirtute, & ratione, adeo melius est factū, & id quod deterius: tyrānidē in præstatiū exercet, & ueluti olimpia uicit, nōnullique supini in uitia (ita ut Plato ait) deferuntur, ut mori multo illis sit potius, qui tanta mētis depravatione perditis sunt facti: ut ne ab ipsis quidem musis, ne dum à Socrate: aut Pythagora in sospitatem animæ restitui possint.

7 Cur alibi alijs & nunquam eisdem uoluptatibus delectamur? An quia non una semper dispositio nobis est, nec corporis nec animæ, & alia quidem hieme, æstate uero diuersa, & alijs nobis habitus est ægris, cū sanamur autē contrarius. Vnde

¶ deum & simplicissimas illas mentes unica gaudere & affici uoluptate consenteum est, quae unicus & individuus sunt actus, qui nullis temporum uicissitudinibus aut mutationibus alterari possit.

8 Cur ueritas à græcis alethia nuncupata est? An quoniam ueritatis amator philalethesue, non obliuiosus est, id namq; nomen sonat, fit nāque ut & mendaces memoriolæ uitio laborent, & qui sint immemores, mendace dicere non sentiant, ut qui propterea quod probe dictorum non meminerint, parum cōsentanea sibi ipsis loquantur: & proferant. Verax autem semper sibi ipsi constat: & omnia quæ uerē de re aliqua dicuntur, sibi mutuo astipulantur, & consonant, ut tralatatio iam & vulgi ore iactato prouerbio est celebratum.

9 Cur multi mendacia & nulla ratione fulta astruentes, tum seipso, tum alios latent? An quoniam falsa quædam supponentes, facilius mentiri & fallere possunt animos preuentos: & prauis alienisque opinionibus occupatos. An quia popule hominum uulgaris, non adeo an rite quid inferatur, & ex ueris, quantū id ipsum quod infertur, attendit: quod ex falsis astrui, quæ interim æquam quibusdam ueris probabilitatem obtinent, nihil prohibet. An uero ideo opinionum uitium errorque non detegitur, eo quod qui talia dicunt, consentanea sibi ipsis, & ijs quæ à principio posuerunt, loquuntur, quod mendacibus minime accidere consuevit: quos inconstates, & suo se dicto iugulantes cernunt. Ut geometræ puncta quædam imparilia, & illatabiles longitudines, & apparentias altitudine uacantes: sibi postulantes concedi, innumeræ theorematæ & propositiones colligunt, & ambigua problemata proponunt, quorum si quis principia tolleret, artem funditus euerteret. Ad eum modum si quis admiserit bis duo efficere decem: idem omnino quater duo uigesimum numerum conflare, uel iniuitus, uel uolēs omnino fateatur: oportet. Parique pacto si aliquis à quopiam uel ui extorserit, uel astu persuaserit, uel infictia credentium compulerit, esse homines qui binis capitibus agant: eosdem & uiginti in manibus habere digitos, & quaternas plantas, quaternaque brachia, & cetera membra duplia obtainere, haud diffcili argumentatione consequetur, & uera probabiliaque satis refferre putabitur, quia consequentia, & haud quaquam dictis pugnantia loquetur.

10 Cur cum boni uiri (ut uetus quidam fert sermo) deorum sint amici, mali uero inimici, & diuitias amicis potius à diis præstari consentaneum sit, improbi tamem, & impij homines ditescunt, ut tantum non montes & cumulos auri possideant, & uel lac gallinaceum habere possint. Qui uero uirtutem excolunt, & amplectuntur, diuosque reverentur, ij maxime esuriunt, & inedia la-

e iij iborant?

PROBLEMAT. ANTO. LOD.

borant? An quia deum id familiaribus suis, quales philosophi sunt uere dei sacerdotes, qui animam à corporis contagio expiant, & ipsam secundum seip- sam (ut Socrates dicebat) constituunt: id dare par est: quod sit in rebus hu- manis optimum. malos igitur ditescere sinit, editus uero suis animi cultum & or- natum (que omni auro præstantiora sunt) suggestit. An uero quia omnem mundi gazzam non tanti esse dij credunt, ut multi sit à uiris philosophis facienda, qui uel to- tam tellurem punctum & minimam notam esse non ignorant, & totum cæli ambi- tum mente concludant. Mystis igitur suis atque cultoribus facultates, & opes tanqz ingenij labem, & morum corruptelam, diuorum prouidentia non impartitur, ne à ueritatis indagine quam ambiunt, uel latum unguem discedant, cum nullus qui auro inhibat, abstrusam ueritatem cōsequi possit. pessimis autē diuitias, uel quas Cœsus Lydorum rex, aut Midas congesserunt, & tandem fortunę omnia blandimenta cō- cedunt, que eos in debita supplicia & momentaneum exitium persepe deducat. An potius non à superis sed ab inferis dari opes credere conuenit, quod inde constare po- test, quia è terrae uisceribus, & intimis medullis, & ima sede effodiuntur, ubi ma- nes detineri uetus^s tas credidit, quin & à gr̄cis atque latinis indita nomina id satis ostendunt, quorum alteri, à dite umbrarum tyrāno diuitias, alteri à plutone fur- uo Perséphones marito: opes pluto appellariunt.

ii Cur serui cooperantibus dominis minus laborem sentiunt, & milites meliorem operam nauent, si imperatores opus simul aggrediantur, aut in uallo circundando, aut aggredendo, aut etiam si cōmunem & cibarium panē esitent, aut super sar- mentorum congeriem, somnum accipere non grauentur? An quia ademptam sibi necessitatem arbitrantur, si ij quibus parere tenentur: & dignitate antecellunt, su- bire labores & difficultates non dedignantur.

12 Cur collybistarum & argentiorum qui uersuram faciunt, & ad usuram tradunt, digiti plurimum exiles sunt, & graciles? An quoniam ijs laborant, sum- mas & fñora numerantes. An uero quia totu*m* etiam corpore tabefacto sunt & arido, metu n̄e qui accepit argenteum, decoquat. Vnde & abeunt somni, & uigilat noctes, & subeunt curç, & uicinos suspectos habent, & subinde nunqz non repu- tant, ubi aurum deffodiāt ritu formicarū indicarum, quo nullus eruere possit.

13 Cur Homerū Iouem dixit non decipere: aut sententiam reuocare, nec prohiberi à quopiam posse, quin cepta perficiat? An quia cum tria sint, propter quæ ho- mines minus opere complent, quod dictis promiserunt. Nam aut fallentes dixerunt, aut quamuis ab initio perficiendi spem habuissent, postea penituit eos, aut cum ma- xime uellent, aliquod obieclum illis impedimentum est, quominus quæ alioquin cupi- unt, &

unter gestiunt, exhibere liceat. Omnia autē hæc à deo sapientissime abstulit poeta, ne quid esset, quod deum morari crederemus, ne quod nobis se daturum pollicitus est, minus re ipsa præstaret.

14 Cur Periclis caput casside galeaq; artifices depingebant? An ut capitinis arcem ubi residet ratio:qua plurimum ille præstittiſſe creditur honorarent. An uero ne caput gracile & oblongum scillęq; assimile, de honestamento, dedecoriue reliquo corporieſſet, cuius partes modice compactas, & egregia proportione elegantes habebat, ideo illi faciem obuelabat. Hippocratis autem eius qui medicinam restituit, pileo uultum decorabant. Vel quia pileatus incedere solitus eſſet, ut qui affiduas peregrinationes rei medicæ noscendæ gratia subiret. Vel ut capitinis uitium obtegerent, quia recaluaster eſſet. An etiam, quia cerebro egræ affecto (quod ut ab ambientis qualitate deſſenderet) uestis laciniæ, funbrisque propendentes, ad caput deducere, ut ſupra manus reponeret, conſueuerat. Vel ut obscuritatem quā in ſcribendo ſeruauit, denotarēt. Vel denique quia oēs uiros egregie meritos, ut Heroas pileo inſignire uetustas de more habebat. qualis aut Ulyſſes, uel Agamennon. Brutus uero imagines alia ratione pileum geſtabant, quia Cæſarem de medio ſuſtulit, ademptaq; tyranide, patriam in libertatem afferuit, cuius adeptæ inſigne pileus fuit: quod ſerui declarant, qui ubi manumittebantur, circumacti vindictaq; percussi, pileum inſignū recuperatè libertatis accipiebat, atq; deinde liberi quo uellēt uersus procedebant.

15 PROBLEMATA AMATORIA.

 Vramantes eorum quos amant postea ſertis è floribus contextis coronaunt? An quia amatos & delicias suas tanquam deos colunt, quibus hunc honorem deſſerre conſueuerunt. An non amato: ſed amori hoc tribuunt, cuius ipſe qui amatur, imago & exemplar eſt, domus uero in qua habitat: tēplū. An uero ideo corollas ſibi detrahunt, & amatis offerunt, quia ijs qui animi ornementum auferunt, corporum quoque exuias (quæ illi decorem uel pulchritudinem adiiciunt) dedicare uolunt.

16 Cur ad coniuicia diſcumbentibus, ſi alicuius ſertum à capite diſſolueretur, hūc amare prædicabant? An quia amor detrahere ſoleat amatoribus ornamenta, qui ſuis cupidinibus ſtudentes, neglecius proprij ornatus curam agunt. An quia facile amor deiſci corollam patiatur. Quia tanquā egregius rei bene geſtæ remunerator, nullum coronandum fore ceneat, donec certamen exegerit, & fuerit uoto potitus. ſignum igitur faciunt, huic tanq; indigno delapsam coronam, quia non adhuc promeruerit brauiū, donec ueneris fructus decerpſerit, & amatū expugnarit. An quia non diſſoluitur, niſi id quod connexum erat, reciprocō itaque, cōuerſimq; arguunt,

PROBLEMAT. ANTO. LOD.

guunt, hunc iunctu amoris esse colligatum, cuius sertum fuerit dissolutum.

17 Cur amantes poma viridantesq; herbas, & odoros ramulos, floresq; inter manus gestare consueverunt? An ut si haec amatis donauerint, illis uicissim tacita admonitione insinuet, ut aetatis uer & corporis pulchritudinē impedit, antequam ritu sti pulae abeat & emarcescat? An ut florū uenustate, carētiā pulchritudinis eorū quos amat, facilius ferat, & animi affectū simili pulchritudine consolentur. An uero floribus, ut pulchris uestibus & equis etiam num utitur, tāquā quodā ornatu quo addere ad elegantiam corporis videantur. An quoniam pulchritudinis cuiusque ubique sit, suapte sponte qui amant, sunt amatores, quae non sane inelegans minus in uernantibus floribus, q; in formis apparet, cum primum ē telluris gremio erumpentes: naturae foecunda ubertate ferente, campos uarijs imaginibus & coloribus uestiunt. An quia nimium arrogantes sunt, & superbiunt, qui omnes flores colligere, & floccos a ueste radere dicuntur.

18 Cur amantes ex interuallis gemunt, & longa ex egro pulmone suspiria ducunt? An quia amori improbo dantes operam, & mille curis quas habere solent, occupati: minus de acre singulis uicibus conuellant, q; cordis fervore extinguendo sufficiat. Sed cum usus spirationis probe non expleatur: natura magnam unam respirationē facit, ut affatim rependat, quod clanculū & sensim decessit. Ob ea rationē & pueri dū ploratu rigat genas, & metis alienationē capti, quia eorū mens imaginationibus intenta, minus de spiritu trahit, q; cordis refrigerium exposcat, per paucas inspirationes magnas interpostas, resartiant quod perierat per multas paruas.

19 Cur Persarum more pincernæ regibus cum uina infundunt: in sinistrā uini modicum mittunt, & absorbent? An ut si uenena aliqua miscuissent: ipsi prius lēdantur, q; reges quibus propinant. An quia apud Persas reges adorare mos est: itaq; & pileos & alia: cum illis exhibent, osculantur. quia osculum est quoddam uenerationis signum. Igitur & uini illa delibatim osculi cuiusdam uicē obtinere potest.

20 Cur osculum amanti datum ab amato tantam uim habeat: ut corpus & animam amantis permuteat, & afflictat, adeo ut & palleant, & lachrymas fundant, & oculorum orbes cauos habeant, & uigilent. An quia anima in occursum amoris exiens: a corpore prope exilire uidetur: & transire in amatum, & partes relinquit internas. adeo ut periculum sit, ne foras egressa corpus destruat, & conuoleat extra. Nam & amatum unicam animam in duobus corporibus esse diffiniunt. Unde & Plato cum Agathonem oscularetur scripsit.

Basia dans Agathoni, animam ipsa in labra tenebam:
Ægra etenim properans, tanquam abitura fuit.

An

An uero quia in quibusdam et si minima sint: maxima uis est. Virus genitale in hominibus & foeminis qui uenere abstinere ceperunt: retentum, cum exiguum quid sit: fastidia & grauissimos capitum dolores, & decolorationes, & priuationem sensus & motus operatur. A spidis morsus nulla uestigia aut notas aliquas: sed punctula quædam minima dūtaxat reperiri scribunt, quia uis ueneni subtilissima sit, & ocyssime ad uitalia proserpat. Phalangia & scorpiones aculeū quo pūgunt, minimum & haud quaq; per tritum obtinere uisuntur, eum tamen pertusum esse aliquo subtili foramine oportet: ex quo ubi momorderint, puris aliquid mole paruum: uiris amplum diffluat: quod celeriter per corpus digestum: maximos dolores efficit. Ita ab amati ore cum amantem exosculatur, & labra labellis, & morsiunculis blādis imprimit: exire humorem quempiam & virus quoddam tametsi imperceptile sensu id sit: quod amatoris corpus momento per uenas artusque omnes diffusum, alterandi uim habeat, forsitan opinari consentaneum est.

21 *Cur amantes eos quos amant frequenter & sepius inuisunt? An quoniā amici ex lōgis tēporū interuallis se uicissim reuiserū & uisitare soleāt. Amatis autē quævis mora lōga est, & omne tēpus quo amatos nō uidēt: multū subinde appetet.*

22 *Cur homines tametsi boni & literati loquatores debito interdum esse consueuerunt? An quoniam dum in scholis discerent & magistris operam darent, multorum reddererationem & appetere etiam ab alijs cogebātur. Qui autem hoc faciūt, uerbis abundare student, qui id melius faciant. An uero quia ob discendi studium tum plurima ipsi ab alijs querere: tum & alijs proponere solent, & ex datis rursus uerborum innouationes oriuntur, & sermonum cumulus nascitur. An ut sapientes existimentur: cum sapiētis sit docere, ad omnia subinde respondere uolūt. Ad hæc cum suauissimum sit docendi munus: docendo summopere gaudent. Sed quemadmodum pueri nonnulli qui corpore multum adeo adoleuerunt: iuvenile quid interim sapient, ex quibus annorum paucitas arguitur. Ita & uirorum doctorum sermo est sa le cōditus, & simplex, & comis, & qui nihil astus admixtum habeat, & quem nūquam audiendo graueris.*

23 *Cur litterarum studijs dediti gracili ferme corpore & imbecillo esse consueuerunt? At qui crassiori sunt retusoque ingenio: bene curati, & corporibus pulchre habiti incedunt. An quia hi quidem genialem ubique uitam agunt, nec alicui rei alteri, q; corpori curando student, illi uero membrorum uires longis uigilijs, & frequentibus, consuetisque insomnijs, & inedijs contriuierunt, ut animo essent robustiores. Ita autem frequenter contingit, ut qui exiguam statuam sortiti sunt, ingenio magis, & eruditioē quadā rara polleāt, quia ingenij facultas & uis nativa plus præstare*

PROBLEMAT. ANTO. LOD.

flare potest, in unum uelut cumulum collecta, q̄ si per uastam molem dispergatur.
 24 Cur sapientes reliquos prae mortales contēnunt, & non secus q̄ pygmeos quosdam, aut formicas humi uolitantes, aut etiam pueros (qui quod sequi conueniat, ignorent) sibi persuadeant? An q̄ sapientia (ut inquit Heraclitus) mentem non producit, nec generat, sed tumidos superciliosos q̄ reddat. An quia re uera ita res se habet. Nam cum homo (secundum Platonem) dei lusus & iocus quidā sit, multo magis sapiens mortale quoddam numen censi debet: qui uero litteris otia non contriuerunt, ij non adeo dei: sed potius hominis ludibrium, & ignauissima quædam, & sale empta mancipia dici mereantur.

25 Cur phlilosophi diuitium palatia frequentant, diuites uero philosophorū phrō tisteria & diatribas non adeunt? An q̄ alteri sciunt sibi deesse argentum, quod ut habeant, ad opulentorum fores se conferunt, alteri sibi deesse mentem, se que uelleris aurei pecudes eſſe (quas Gr̄ecichrysomallas dicunt) ignorant, atque ideo sapientes non requirunt, quia nesciant quo bono careant.

SECTIO QVARTA LIBRI SECVN-

di in qua redditur causæ aliquarum cōsuetudinum, quibus Romæ erat usus.

 Vr auspices olim Romæ inter omnes aues, uultures imprimis eorumque uolatum obseruabant? An quia has tanquam innoxias & reliquis mundiores putabant, ideo his in auspicijs utebantur. Nam uultur omni uiuo & animato sibi plus cauet, q̄ à mustela AEgyptius, solum uero ad corpora mortua accedit, atq̄ in hoc item pietatem obseruat, cum nullum sui generis uel uita destitutum, & carente anima sibi putet uiolandū. At reliquæ aues ut aquilæ, ut noctuæ, ut accipitres cognatos alites perimunt, & uel uinis etiam non parcunt, atque inde iocundas sibi epulas parant, quod qualiter inmundum non sit, & prophanum, si auis auem deuoret. Vel potius quia uulgas id quod raro conspicitur, & prodit in aspectum, contra naturam existimat, & à deo mitti arbitratur, ideo hisce auibus arbitrium suarū rerum decernendum commiserunt, quoniam non nisi infreuerter appareant, & peregrinae putentur, adeo ut si quando uideantur, id non sine diuino numine factum cuncti arbitrentur. Quā q̄ uero non earum auium ita multa sit copia, falsum tamē est quod aliunde nostras oras appetant.

2. Cur sacrorum antiſtites pontifices sunt nuncupati? An quia diuis potentiibus, & rerum (ut quis dixerit) dominis sacra facerent, & ministeria eis deseruiētes exhiberent. An quia cum sacra quædam, & ceremonias constitutas agere deberent, si negocio aliquo maiore subeunte impliciti: obire nō potuissent, deus illis nō improperabat:

improperabat, nec uitio dabat, nec ultraq; præstare possent, cogebat. dicti igitur pōtifices quia quos possent diuis cultus exhiberent, & quæ possent sacrorum solemnia & officia operarentur. An quia sacra quedam quotānis pro lignei pontis tuitione & salute dijs redderent, quæ magna cum reuerentia & ueneratione ab illis ueteribus facilitari celebrariq; moris erat: nam sacer pons habebatur, & nō clavis desixus, sed lignis cōpactus, & coagmentatus fuisse credebatur, & cassū uetus state, & ruinosū nō diruebat, sed reparabat, nā demoliri: expiādū & nephias arbitrabatur.

3. Cur seruum in furto deprehensum, furciferum appellarunt? An quia ueteres illi Romani, cum mitiore essent erga seruos ingenio, nec grauiter atq; seuere in eos animaduerterent, abunde esse pro poena seruo qui furtum perpetrasset, putarunt, si lignum plaustrī: in quod temonem refirmant, humeris appensum gestans, uiciniā circumiret se seq; circunspiciendum præberet, idq; maximum apud antiquos in famulos, qui tale quid commisissent, supplitium sumebat. Nam qui sic conspectus erat, de cætero non amplius ei credebatur, sed cauebant ab eo, & tāq; subdolum atq; furacem & impostorem auersabantur & declinabant. furciferi ergo dicti: quia lignum illud aratri (quod furcam latini nuncupant) circunferrēt. An potius quia furca hoc est suspendio ut plecterentur, dignissimi forent. est autem & furca incuruus bacillus, quo detortos arborum ramusculos, atq; surculos male rectos ad rectitudinem agricola inflectunt, de qua Flaccus. Naturā expellas furca tamen usq; recurrit, prouerbio eleganti dixit in eos qui & si meliora doceantur, spontaneo tamen naturæ uitio in deteriora prauaq; relabantur.

4. Cur cū in nuptijs Græci Hymeneum uocent, uel auream Venerem u: l Iouem Gameliū, Romani Talasū accinebāt? An q; iuuenis quidam is nobilis & ingenuus fuit, cui rapt a pulcherrima cōiuge quo tempore ludos edidit Romulus, quo ad inspectandum Sabini cum familia conuenerunt, fœliciter cessit coniugium. precintur igitur ut perinde ac illi res uxoria pulchre successit: ita & nouis maritis accidat. An quia id nomen seu signū & classicum dedit Quirinus, quo audito impetu facerent & in Sabinas irruerent, ut sibi coniuges adiungerent. Est quoq; talasion idem quod lanificiū apud Græcos. An igitur id significari uolebant, curiosam & diligentem futuram uxorem, atq; colus & lanæ industriam non relicturam, atq; ideo omnes qui adsunt tam affines & cognati, q; alieni talaison sucllamant. An quia cum ob puellas direptas & uicinas inter Romanos & Sabinos illarum patres dura incrudiisset contentio, nec dirimi ullo pacto bellum posset, ea conditione a pugnando cessatum est, q; illis uxores tantum, quæ ad pensum telamq; pertineret, curarent. nullum uero aliud seruitium ministeriumue præstare tenerentur, sed pari cum

PROBLEMAT. ANTO. LOD.

5 cum maritis conditione & libertate uiuerent, ne illi sibi captivas & famulas, sed socias operisq; adiutrices accepisse uiderentur.

Cur parvus ille triumphus qui ijs qui astu rem confecerant atq; incruentam uictoriā sine hostium cæde patrarat concedebatur: dictus est ouatio? An ab evatione, hoc est festinitate & aplausu furoreq; Bacchico, qui Euius nominatur, cui deo potissimum aliquā portiunculā eiusce iocunditatis, deberi arbitrabantur. Nāq; a cantantibus & gaudentibus, atq; iubilis & tripudijs exultantibus, atq; transmittentibus, per urbem deducebantur: ipsaq; pompa magis ad uoluptatem comparata uidebatur, speciosusq; magis erat & gratus: q; terribilis apparatus. An potius inde nomen traxit, quia cum ij qui Martiū triumphum peragebant: bouem ex lege immolarent, qui uel suāsu, uel fœdere inito, uel promissis persuasiſſent hostem, callidisque cōmentis composuissent pacem, q;uis populo rem salutarem atq; conducentem, ijs nō nisi ouem mactare fas erat. Cūq; qui grandem illū triumphum ducebant, curru eſſe doq; in celso conspicui, lauro coronati, tubarum clangore strepente, quale dum uiri accenduntur ad prælium: & pugna cietur atq; committitur) conueherentur, si autem non lauro, sed myrto quæ Veneris arbuscula est (quæ dea perosa est bellum) circuncincti caput, pedibus: tibicinibus pluribus præeuntibus, quorū uſus in pace est, perinde ac si non rem & quē dignam gesiſſent, cui triumphus ille magnificus debetur, incedebant. Apud Spartias autem longe aliter res gerebatur, nā qui sanguinefuso iustoq; marte aduersarijs prostratis, tulissent ex illis trophea gallum dijs sacrificabant, qui uero uel industria, uel technis, uel dolo malo, uel conuentionibus, uel blanditijs, uel deniq; promissis fefelliſſent hostem, & ad præstandam obedientiam inducerent, perinde ac rem opera & precio maiorem feciſſent, uel bouem, uel quascunque uellent hostias, uictimas ue: ante aras iugulare concedebant.

6 Cur nubētibus fœminis cesaries bregmatis id est anterioris partis capitī: ensis cuspide dirimebatur? An Latio more priscaque consuetudine id fit, quia primas gladio ferroque sibi uxores compararunt.

7 Cur qua nocte ad uxores accedere debent, ipsæ proprijs pedibus non incedunt ad thalamum: sed sublatas maritus in lecto reponit? An in eo uirginalis pudoris ratio seruatur, & uercundiam quandam præſe fert, quasi nō ad uiros ipsæ, sed ad eas mariti ad zonam soluendam accessiſſe uideantur. An uero eam rationem habet, q; olim spectaculis editis a Romulo: rapto primas habuerint coniuges.

8 Cur Romani uirgunculas domum ducebant: Lacedæmonij iam adultas? An quia alteri id dumtaxat agebant, ut dicto uiri: audientes & obsequentiores uxores haberent, easq; probos mores edocerent (ut inquit Hesiodus) & ad nutum effor-

marent

20 LIB. II. SECTIO QVINTA. 40

marent atq; effingerent. Nam tenerior ætas facilius obtemperat, atq; ueluti mollis cera deducitur, quæ uero iam occalluit, minus rectorem sequitur. Alteri uero ut fir miorem haberent prolem, non nisi ad foeminas maturas & prouecltoris ætatis acce debat, nec coiugio copulari permittebantur, nisi ubi ipsi iam in viros euafissent: quo tempore legis auctor sperauit, genitos ex utriusq; copula conceptus, viribus robustis, & membrorum solidiori compage procreandos.

8 Cur Lacedemoniorum symposia, concenationesque, quas Lycurgus instituit, phiditia appellabatur? An quasi philitia, quasi uideri uellent non ut cibo potionēq; affatim ingurgitarentur, in unum conuenisse, sed pros philiam hoc est ad conuictū & sodalitatem cōmunemq; amicitiam. An quia phidio parsimoniam sonat, dicta igitur phiditia, quia parcam tenuēq; diætam in publicis conuiuijs phiditijsue accipie bant, & sobrium & modico sumptu temperatum ientaculum epulabantur. An ue ro phiditia pro editia ab edendo dicta sunt, quia ad esitationem, epulasque: in unum mutuo concedebant.

9 Qui dicuntur tribunaliter insufflantes? An qui cū graciles sint crassissimis ue stimentis induuntur: ut corporis tenuitatem abscondant. Et qui cum facie sint inho nestā, aspectuq; turpes, frictionibus ascititum colorem comparare student. Et qui cum prauam corporis habitudinem fuerint sortiti, exercitationibus & artificijs eā ex industria meliorem reddere, uiresq; & robur membris acquirere moliuntur. Et deniq; quicunq; qui aliud uideri uellent, q; essent, tribunaliter spirantes dicebantur. Nam tribus cū uictimas super aras offerrent, quo altera alteram uicisse, & superasse sacrificiorum multitudine & splendore crederetur, pinguitudinem carniū oris flatu instillabant, ut quod pingue non esset, per illam insufflationem obesum faceret uideri. Vnde illud remansit, ut cæteri qui fucum quēpiam fallendi studio efficeret, tribuum modo insufflantes dicerentur.

20 SECTIO QVINTA. LIBRI SECVN di in qua nonnulla delegibus.



Vr Solon legum Atticarum conditor, legem tulit, ne liberi alere parentes tenerentur: quos patres ex meretricio concubitu procere assent?

An quia filios illorum parentum gerere curam decet, quos constat diligentiā adhibuisse natorum, ex qua matre nascerentur. At quis cor to prostibulisue cōcubuit, uoluptatem magis & Venerē secutus uidetur, q; filiorum quos inde suscepisset, rationem habuisse, nec curasse quicq; si nothi, & adulterini, spuriisque uocarentur, dum modo tentigini turgentifecissent satis. Ne cuius ergo extra legitimū thorū, genialemq; thalamū, libido uaga graſaretur, uiolato Hy meneo,

PROBLEMAT. ANTO. LOD.

meneo, & coniugali fulchro, sed solum legitimis nuptijs deseruirent, sapienter legis auctor instituit, ne liberieos pro parentibus agnoscerent, uel haberent, qui minorem curam natis impendissent, q̄s coloni soleant, qui non nisi culto nouali segetes cōmittunt, diligenter q̄s inspiciunt, cui telluri uites, cui oleas, cui poma mandent. Ob id etiā rationem habuisse Lycurgi lex uidetur, qui senectutem & canitiē parentum aliquet tuit: nec natos erga eos parentes ciconiarum pietatem imitari (antipelargīn Græci dicunt) uicēne rependere permittit, qui nullum artificij genus liberos edocuissent, quō uictum sibi compararent.

2. Cur legifer Hebræus pro oue furto sublata: quattuor reddi statuit: pro bove uero intercepto quinq̄s boues furem iussit persoluere? An quia qui ouem furatus est, uel sub alis brachiorū, pallio suffarcinatam: gestans recessit, aut humeris post terga appensam, pedibus reuinclis ante pectus deportauit. At qui bouem abstulit, abegit tantum & impulit, bove suis uestigijs subsequentे. mitiores igitur poenas leges posuerunt, minusq; puniunt eos, qui furando laborarunt, perinde ac si aliquid condonare, laborisque præmium rependere uelle uideantur, tanquā mercedem: An quia maiori dāno afficitur qui bove q̄s qui oue fraudatur, ideo maiorem multam rependere, soluendoq; esse latronem lex uoluit. An uero quia ouinum pecus gregatim pascitur, & pastorem sequitur, & collegium neutriq; deserit, ut difficile sit furi: oculos fallere bubulci. At boues quibus mensibus Veneri nō dāt operā, inter se coarmētantur, & soli uagi ab armento errant, & in nemora & in siluas abeūt, (quod at magelan hoc est despectui armentum habere Græci uocant) ut in montibus errantes facile qui uelit, subducere possit. Quod igitur factu procliuus erat, id ne fieret, legislator grauiorem poenā indixit, quod uero non æque pronū erat, uelle uiorem pœnam ad id prohibendum sufficere est arbitratus.

3. Cur legislator Hebræus hunc ritum instituit, ut si in agro quispiam interficiens inueniretur: nec satis sciretur qui occidisset, ut ex proximiore urbe, aut uicino loco, ubi occisio patrata fuisset uitulam tollerent, super cuius caput astantes seniores deierarent, immunes se esse à sanguine, qui effusus est, nec nosse se eum, qui commisisset necem, deinde uitulam cultro maclarent, permaneretq; in reliquum tempus ager ille incultus, & inaratus, ut nullas fruges domino redderet? An quia sic facile reperire homicidam posse sperauit. Nam cum in conciones eas & conuentus, magna undiq; hominum manus confluere & congregari soleat, non difficulter futuri credidit (ut sunt homines ad loquendum prompti) ut alter alteri narraret, & referret, quidnam super ea re sciret uel suspicaretur, ita ut uel certis inditijis, uel coniecturis non leuibus, sanguinarius ille & maleficus deprehenderetur. An uero quia etiam dominus

dominus agri magnā omnino diligentiam impenderet, in disquirendo cædis auctore, ne ager ex quo magnos prouentus percepturus esset, si nulla in eum semina mitterentur: perpetua sterilitate dñaretur. Vitulæ uero illa decollatio, ad placandum deum nè cruor ullus inultus, aut scelus impunitum aliquod uideretur, de quo non sumeretur supplicium: spectare poterat.

4 Cur Aegyptij maxime reddere rationem uetus tatis possunt? An quia cælestia contéplari soliti, tum propter otium pingue quod sacerdotibus præstabatur, (nam reges ipsi sacerdotio ut inquit Plato fungebantur) tum propter aerum tēperiæ & salubritatē: magis (quod antiquis temporibus gestū est) meminisse posse sunt. Nā nullæ apud eos excusationes, uel eluusiones cōtingunt, sicut apud cæteros hoīes frequēter eueniunt, quibus rerū priscarū monumēta deleri cōsueuerūt. Græci uero si ad Aegyptiacæ gētis uetus tati cōferātur nouissimi sūt. Nā inter eos Atheniēs ad Erichthoniū quēdā (quē ob id autochthoniū id est e terra satū appellat) origine referūt, uel ut alij ad Cæcropē. Argui nil supra Phorontū, & Niobem aut etiā Inachū reminisci queunt. Thessali a Deucaliōe & Pyrrha sub quibus inundatiōe ille regiōes laborarūt) ducūt primordia. Unde illa Aegyptij sacerdotis ad Solonē sapientissimū, grauis & seuera increpatio. O Solon Solon: Græci uos sēper pueriestis: nulla aut penes uos tēpore cana disciplina est. Cuius rei etiā nū præterea in causa esse possūt assiduae corruptiōes & interitus, ut qui senes futurierant cōtinue hoīes renouētur moriātur q̄ alij, alij de nouo succedāt. Assyrii autem & Aegyptij nō solas uiginti & septē annorū myriadas (ut inquit Hipparchus) obseruauerūt, sed integras revolutiōes & periodos septē illorū planetarū quos cosmocratoras q̄ mūdo dominētur uocat) memoriae, auctore Iāblico, mādarūt. An uero uetusissimi ob id uidētur, q̄ sicut quibusdā Barbarorū trimestris erat annus, apud Romanos autē a principio duorū mēsiū, Arcades autē ex Græcis quatuor mēsi bus pro anno utebātur, ut Acarnanes sex mēses in annū cōputabant, ita & apud Aegyptios ab initio unius mēsis fuit ānus (q̄ quis quadrimestris postesse cōperit) quā ob rē (inquit Plutarchus) qui nouissimā regionē inhabitāt, nuperrimeq̄ in cognitionem uenerūt, omniū sese hominū antiquissimos temere iactant, & innumeram annorū multitudinē in suis originibus numerant. An propter eadē conseruatur apud eos ueterum rerum memoria propter historias, quas ex columnis didicerant: in quibus si quid egregium & præter opinionem accidisset, uel quippiam admiratione dignum contigisset, & memorandum, quod in acta referretur, tam in actionibus & rebus gestis, quam in inuentionibus & disciplinis: diligentissime conscribebant (ut ait Proclus) & ueluti per manus committebant ad posteros.

LIBER TERTIVS. CVIVS SVNT SECTIONES DVAE.

S E S C T I O P R I M A C O N T I N E T E A

quæ ad supernaturalem philosophiam spectant.



Vr unū ente superius Platonici affirmant? An quia & Deus, & materia, ut una dicantur, entia tamen non sunt. ille quia omni ente præstantior, ut pote ipsa essentia: quæ ens non est, ut nec albedo: albū. hæc, quia insimū ab entibus, & deieclissimum gradū tenet. An quia oīa entia quo hoc ipsū sūt: in entiū unica appellatioē cōueniūt, & uniūt, unitas ergo prior est, qua oīa ceu quodam nexu uincuntur.

2. Cur dæmones (ut tradunt) æris strepitum maxime fugiunt & perhorrescūt? An non quodcunque genus dæmonum, nec aereum, nec igneum: id patitur, sed subterraneum & lucifugum (quod uocant) quod cum plurimum in tenebris degat, lucē odio habet, & quæcunque ex se emittunt fulgorem. AEs aut splendens & rutilas est, & tum maxime si a solis radijs præstringatur. An quia dæmones (ut ferūt) corporibus non uacant: Vnde & semen, & generationē emittere possunt, & ex combustis illis, cineres remansiſe, apud Thuscos A Etbruriæ populos uisum narrant, quibys assumptis, nunc in maiorem, nunc in minorem molem se contrahunt, & modo sub hac, modo sub illa (mouente intus & conformante phantasia per uarios cogitatus, quod nobis in pudore & metu accidit) specie apparent, spectandoſ que se præbēt. Perinde ac nubes quæ uarijs induitæ figuris conspicuntur: prout agitantes conformauerint uenti. Et sicut aer: qui uarieгatus interdum multis coloribus spectatur, qualescūq; in eū ab obiectis inciderint colores. Ergo cū materiæ crassitudine nō careāt, ingresso propter strepitum, & æris fragorē, aere penetranteq; in imū: dissecātur & diuellūtur, & disūcta corporis cōtinuitate dolēt. Vel sicut nos re amissa & opū iactura dolemus, quis dolor nō subsistat intra nos, uel eius causa. Vel quia spūs sunt, qui dolore affici & sentire sūt nati, nō enim neruus qui sentit in nobis est, sed cōmēas per neruos spūs. Hinc igitur qui dæmonas fugare uolūt, enses euaginatos fulgenti acie suspēdūt, quos illi cōspicati, sibi male metuūt, & attingere cauet. Peride ac latrones qui uiso ad capitis ceruicalia, ducis bello et Marte ferociſ pēdēte gladio, fugā corripiūt. Nā dæmonū corporacū sint moliararaq; & facile cēdēta, leni ictu discindūtur, quis ut aquæ partes, uel ut aer dissecitus in se ipsa facillime coeāt. An uero sicut serui ad scuticā & flagella, pueri ad pædagogorū ferulas

ualde

valde pallent, ita & improbi maliq; angeli: uel poenas apud imos manes dare soliti: aeris percepto sono mox cōpedes atque cathebas reputat, quibus uel genuina & insita malitia, uel criminis uoluntaria electio, dignissimos effecit.

3 Cur Moses qui mundanam cosmopœam tradidit, angelorum creationem non adduxit? An ut nē rudi populo, & ad idolorum culturam prono ansam aliquam occasionemue daret, ut eas intelligentias atque angelos, quorum genitum attulisset, pro dijs colerent, eisque deo debitam reuerentia exhiberent, que tanto rebus omnibus creatis: præstant, quanto anima corpori: & spiritus partilibus rebus, & quæ dissipantur, præstantior est. An uero quia satis sibi fore putauit, ad A Egyptiorū superstitionem retundendam (apud quos diu diuersatus est) si res illas esse creatas ostenderet, & ab alio prodeentes, quas illi ferme omnes pro diuis adorabant, unde factum: apud A Egyptum: deos, cum Titanes expugnarent cælum, fuga concessisse sub animalium & reptilium forma latitantes, quia & mures: & mustelas, & crocodilos, & onocephalos, & porrum, & cepas, & arietes tanquam sacra contingere, a sacerdotibus: quibus id genus sordes alere cura est, aut morsu uiolare prohibetur

4 Cur diuinæ apparitiones sub ignis forma, sacris theologiis conspectas sacra- rum litterarum oracula plurimum præscribunt? An quoniam nihil est per quod magis, quam per ignis purissimum & illustrans omnia elementum, sanctarum mē- tium dotes & proprietates explicitur, que à materiali omni, & pedanea cogni- tione sincerissime sunt, & irradiationis diuinæ radijs præstringuntur. An quo- niam nihil in omni rerum natura facile inuenire possit, quod diuinam magis in huma- nis essentiam representet. Namq; & meat per omnia, & ab omnibus eximitur, & nisi supponatur materia, utique ignis non uideatur, & omnia peruinicit, & superat, & seipsum clanculum insinuans fomiti, latente uisum augmento, adauget & in ma- iorem molem producit, quæ cuncta in deo, ut in architypo, & exemplari, in igne au- tē perinde ac in imagine & iconē uisuntur. Accōmodatur autē nōnunq; ad diuinā denotanda aeris elemētū, quia ritu numinis omnibus insinuitur, & uitam præstat, atq; cū sit in oībus, fugit tamē cōspectū, & inuisile est, nec quo subeat, aut unde pro- grediatur, quispiam satis nouit, ut sacræ litteræ produnt.

5 Cur cum multæ adeo sint intelligilium mentium (quas intelligentias philo- phi uocat) distinctiones, & ornatus, omnes tamen promiscuo uocabulo angelii in al- ma sacrarum litterarum traditione nuncupantur? An quia in cælesti illo princi- patu omnia quæ inferioribus attribuuntur, supremis etiam adsunt, & si non ē con- tra, ita ut non abs re functiones omnes, & munera, & dignitates, & nomencla- turæ primis uendicentur. Quia qui supra sunt, & mox (si fas sit) ab ipsa di-

PROBLEMAT. ANTO. LOD.

uinitate purgationem, illustrationem, & perfectionem docentur, & initiantur, comprehendunt, & continent, quicquid a subiectis mentibus per superiorum transmissum: ultro citroque habetur. An uero cuncta quae superis: & inferis etiam: & omnia in omnibus adiungunt, quis in illis ratione primaria, & in totum: & quidem exactius: suppositis autem per partes, & obscuriori sane ratione, & magis humili modo competant. Sed ita constitente diuina lege, & principe dei dispositione comparatum est, ut prima mediantibus secundis, & rursus haec tertii intercedentibus agat. Perinde ac sol almus: qui non passim, & aequo primo diuini luminis fulgorem omnibus impartitur, sed primum quidem in diaphana & translucentia corpora, deinde autem, ut quaeque illustrationis sunt capacia, ita singulis radios diffundit, atque dispensat. Cunq[ue] nihil immediate: in orbe hoc inferiori (nisi angelis caduceatoribus, unde sunt nomen consecuti) rerum nouarum exerceant. Hinc in angelos multa sepe referuntur, quae illorum ministerio, & opera sunt peracta, rursus q[ui] interdu quae angeli gererunt, supremi intellectuum ordines fecisse dicuntur, quia ad illos autores (ut qui expiaverunt, lustrauerint que, & certiores fecerint subiectas mentes, quos angelos dicimus) diuinorum illuminationum, quae sibi ipsis emicuerunt, perinde atque ad primam & antiquissimam causam, res ipsa tandem reducatur.

6 Cur philosophorum praestantissimi quique: unum rerum principium duntaxat ponunt & arbitrantur? An quoniam bina esse impossibile est. Nam aut neutrū haberet omnia, aut alterum, aut utrumq[ue]. Si neutrum: essent ambo imperfecta, & indiget, & id utique magis principium appellari deberet, quod unū comprehendenter cuncta, quae alterutris adiungunt. Si alterum, reliquum indigentius esset, & pars potius eius, quod omnia contineret. Si autē ambobus omnium sit a qua potestas: id ex ijs est: quae fieri neutram possunt. Quia si alterius naturae & substantiae sint: unum perimeret aliud, & mutuis infestisque odiis se prosequerentur (quod principijs non conuenit) Et duo eiusdem sortis esse nequeunt, quia alterum superfluo esset, & neutrū per se necessarium, sed utrumque. Et cum omnis dualitas ad unitatem reuertatur, illa ad unum aliquid: ratione cuius subsisterent, reducerentur. Sicut quae sunt eiusdem speciei: participatione unius cuiusdam, sub eadem specie esse dicuntur. Atq[ue] hinc optimi philosophorum malum, nec quid per se subsistens, nec alicuius parte esse comprobarunt, quia nec ex bono malum proficiuntur, nec duo principia esse possunt alterum malorum, alterum bonorum, quia ad unum tandem redigerentur, quod uel bonum existens mala produceret, uel malum: esset auctor bonorum.

7 LIBRI TERTII SECTIO SECUNDAS
in qua insunt quae ad diuiniores sermones spectant.

Cur



Vr Deus ut bonus tātopere & theologis celebratur? An quia in oīa
 quae illius bonitatē participare possunt, mirifica quadā benignitate &
 fœcūditate sedis pergit. Nāq̄ bonū ipsum (quae ens ipsum simpliciter
 per cūcta perga) ipso tamē ente ut philosophorū qui fuere optimi as-
 seuerāt) tū superius est, tū ipsius entis efficiēs causa: & finis. efficiēs quidē: in quā-
 tū nullū ens quatenus est agat, sed quatenus bene est, & bene se habet. finis autē, quia
 nihil dūtaxat ut agat, sed ut bene bonumq̄ opus agat, ad agēdū disponitur. Vnde ni-
 bil omnino malū esse sinit, aut omnimodā priuationē admittit, quae si prorsus esset,
 ipsa seipsum distrueret, sed id quod malū dicitur, etiā bonū est, & propter priuatio-
 nem maioris boni, aut actionis quae inesse debebat, aut propter inordinatam motio-
 nem appetentiā ue: tale nuncupatur: cuius si quid expers est, id nō propter dantis il-
 liberalitatē, sed propter recipiētis ineptitudinem cōtingit. Atq̄ in hoc deū undique
 splendēs & rutilius sol emulatur, & diuinæ prouidētiæ curātis omnia, unicū & sin-
 gularissimū est exēplar, cuius si quippiā capax nō est, id patitur: quia illustrari pror-
 sus ineptum: & opacum est, non quia Phœbus sui luminis radios impartiri nolit,
 qui cū minimū pilū: aut tenuē lanam nō penetrat, eodē momēto densissimo crystallo
 suū nitidissimū iubar non abnegat. Hinc deum & semper uoluisse prouidentiam ha-
 bere de rebus, & semper potuisse ornare mundum: philosophi nonnulli non vulga-
 ris notæ uolūt, ad quod mūdi æternitas sequitur. quia semper deus uoluerit dare
 ornatū rebus, quia bonus: qui nulli perfectionem propriam inuidet, & quia semper
 posset, nec quicquam eius uoluntatem moraretur, cum nullus sapiēs (quibus deus de-
 terior non est) quod efficere nequeat, exoptet. Qui utique aliquid dicent, & forti
 fundamento inniterentur, nisi fides (quae omni humana ratione potior est) opposi-
 tum sentire: & nouitatem creationis credere uideretur. Ex hoc etiam nonnulli
 Platonicorum æternum supplicium negauerunt, tum quia diuinæ bonitati non
 conueniret, ut animæ in nunquam finiturum tempus puniantur, tum præcipue quia
 id quod in pœnā daretur, boni saltim in eo rationē haberet: quod stabilitatē quādam
 & cōstantiā perpetuā seruaret. Verū hæc nihil impetunt sacros: qui alijs atq̄ alijs
 tormentorum generibus diuinæ legis transgressores afficiendos fore censem: ita
 ut perpetuo eadem pœnarum ratio non constet. Malū igitur nec in materia est, quia
 nullas agendi uires habet, nec in corporum fœditate, mutilationibusque & morbis:
 quae si omnino mala essent, proprium destruerent subiectum, & ipsa non consi-
 sterent. Nec omnino canum ferocia, aut luporum rapax seuitia, aut leonum
 immanitas, aut serpentum uenena, mala sunt prorsus, sed malum esset: si ea
 animalia quibus hæ affectiones insunt: ijs priuarentur, quae sibi ad tuendam ui-
 f iij tam

PROBLEMAT. ANTO. LOD.

tam sunt diuino munere concessa. Sed primum quidem in proximas intelligentias: quae ueluti purissimum speculum: quantum capere possunt, diuinæ bonitatis largissima munera suscipiunt: ipsum bonum simpliciter suam liberalitatem ostendit, quae deinde ad alias subitus positas mentes reddunt & reuerberant. Est itaque bonum superius ente: ut diximus. Nec uero ipsum ens: prout ex essentia & esse cōponitur, principium esse potest: quia simplicissimum non est. Nec essentia: quia eius perfectio est: esse. Nec ipsum esse per se principij rationem sortiri potest, quia sine essentia intelligi non potest. Nec quoquo pacto deus entis cognomine censendus est. quia ut optimæ omnium causæ nihil simile habere cum suis effectibus, sed alterius longe rationis esse dignoscitur, ita nec deo quicqz de uniuerso ente adbæreret, qui eius est unus effectus. sed multum ab omni ente alienissimū putare oportet, ut solem calidū appellare non licet, qzuis ex se calorem producat. Et sicut lineæ à centro exentes: à se inuicem in infinitum separatae procedere intelligi nequeunt, quia circuferētia contenta inter lineas illas in immēsum distantes infinita eſset, & equalis peripheriae toti qz circū obtēderetur. Sic nec rerū generatio in infinitū labi, & exire in deterius fangi potest, quia ad entia sic deueniretur: quæ inter se omnino diſſiderēt, & in nulla re cōuenirēt, quod fieri nullatenus potest. Quia oīa saltim in hoc cōueniūt, quod sunt ali quid: & quod ab una omniū prouidētiā habēte & effectrice causa prodierunt.

2. Cur si deus oīa bona efficere uoluit (ut uetus quidā sermo est) nō in angelis, & intelligētijs, supremisqz illis & intemeratis mētibus cōſtituit, sed ad hoīes, feras, stirpes, & alia id genus qz materiæ imperfectionē habēt annexā, successivisqz uicibus & pereūt, & regenerātur, generationē perduxit? An quia nec diuina illa & nobilissima entia qz à materiæ uilitate separātur, bona quoquo pacto, esse possent, si ad gignēdū animū nō appellerēt. Nā cū genito generās omne præstatiū sit: si steriles permāfissent, nec ex se progignerent, bona uel eſse uel dici non mererentur, cum priuarentur eo ad quod sua spōte & bonitate inclinātur, propter quā ipse etiā deus ad fabricādū hūc uisiblē mūdū intēdit, & ad uniuersorū habēdā prouidētiā se contulit, sed infimæ & abieclissimæ & postremæ omnium eſsent, cū ultra eas nihil eſset ab illis generatum, quod cum dictu sit impium: ideo res in immensum generari, uicissimque corrupci, summa necessitas coegit.

3. Cur antiquissimū humanae stirpis propagatorē diuina mādata trāſgressum: ut ē ligno uitali comedit, qui ante brutorum animalium more suā nuditatem nō intellexerat, cognitionisque expers fuerat futurus, sacra produnt eloquia boni & malisci entiam habuisse, & oculorum aciem recepiſſe, ut nudum se eſſe cognosceret. Cum ob id quod est prævaricatus, supplicium potius perpeti sit meritus, nec ulli prætium

pro

pro poena dari conueniat? An grauiissima id commissum poena non caruit, nam primum ut a deo in hortum uoluptatis intromissus est, adeo intellectu pollebat, & sensus habebat subiectos, ut qua ille ducret, promptissime sequerentur, tantumque gradum perfectionis tenebat, ut ad effigiem creatoris productus, pauloque ab angelis dei diminutus diceretur, praecoptaque domini receperit, cum nullus nisi ratione praeditus imperia suscipere possit. At cum in peius relabi coepit, & in uetrum nixus est, perditam cupiditatem secutus, mox deteriori ingens licentia data est, & sensibilem animae partem dicto habuit obaudientem, & recalcitrantem, frequenterque adeo calces regerentem, ad instar desultorij equi qui sessorem deiecerit, ut non abs re de eo hymnographus ille psaltes cecinerit, Homo cu in honore esset, non intellexit, sed pecoribus redditus similis est. Et in epulas tribuli, cardui, spinæ, ut in sudore uultus esitaret, perinde ac iumento, assignata fuerunt, ut diuinis iustificationibus non paruit. Grauiissimum ergo nec satis estimandum, perpetratum nefras, supplicium consecutum est. Nam qui plurimum antea intellectus ope ualebat, cuius opus est imperare, & rerum ueritatem, quam habet pro obiecto, & falsitatem cognoscere, nec enim de caelo quis dixerit quod bene uel male est rotundum: sed uero aut falso, nec de triangulo, quod bene aut male habeat paria duobus rectis) ut ad sensuum affectus prouolutus est, & a gloria qua erat mirifice coronatus, excidit, coepit circa rerum malitiā & bonitatē quæ solum sensilibus rebus competunt & adaptantur, ciuiliter agere & conuersari. Nam de cibo dicimus hoc alimentum est bonum: & illud est malum: & hic piscis est bonus: & ille est deterior. Nec uero in eo diuinæ pollicitationes stabant, ut si de ligno prohibito in escam accepisset, euaderet sicut unus e diuis: qui sunt bonum & malum scientes, sed quod futurus esset sicut principes & magnates (qui aliud non sunt q̄ sanguinis & caro,) non autē deus quispiam mortalis, aut angelis paulum inferior diuina illa uerba uoluerunt. Tā late nāq̄ patet apud sacras litteras dei significatio, ut ad iudices, & angelos & eos qui sunt in potestatibus constituti s̄a pius extendatur.

¶ Our alium alio de deo magis sapere dicamus, cum deus a nemine comprehendi posset, nā cū simplicissimus minimeq̄ cōpositus existat, fieri non potest, ut partem eius quis sciat, partē ignoret, sed integrē & ex toto nesciat, cū perfecte a quopiā nequeat capi a deo ut nō plura de deo cognoscere dici debeat Orpheus: quē theologum per excellētiā appellat: q̄ rusticus qui uis in morib⁹ agrestibus nutritus. Andiuinior quis ideo appellatur, quia plus de bonitate, sapiētia, & potestate diuina per effēctus & operationes, per quas obscurō licet & tenui uestigio creator cognosciatur & consequatur, quamvis ipsam dei substantiam & quidditatem nulla ex parte

PROBLEMAT. ANTO. L.O.D.

contingat. quibus cōfecit quæcunque, quæ tanquam pientissimus pater uoluit, sapiētissime dispositus; immensa potentia executus est. An potius eū diuiniorē dicimus: qui plura negat, nō qui plura deo affirmat: nō tā quia et si in cētū ora, cētūq; linguis boīes soluantur: minimā partem, immo ne gry quidem aut punctū indiuisibile eorum quæ deo competunt, enuncient & asseuerent. Sed quod non mendaces iij omnia esse non possint, qui deo aliquid affirmantes, p̄stumuis magnifice audent effari aut loqui, quia quicquid deo dixerint, peccant aliquid impossibile attribuentes deo, quod deus ipse non est. Perinde ac si quis saporem esse diffiniat quantitatem, aut colorem esse magnitudinem, aut res unius prædicamenti in diuerso prædicamento reponat. Nam si deum ingentem, fortissimum, & quem omnia reuereantur, uoces, & omnia deniq; epitheta addas, & in cumulum cōponas, quæ attoniti, & diuino furore incalcentes, & agitati prophetæ in hymnos diuinos detonantes, altissime sunt elocuti, dum tantum non moriones & amentes, in laudibus diuinis decantādis: se reddunt, semper erras, & recedis proculq; à deo es, non adeo quia pauciora, sed quia aliena ab eo dixisti. Ut si quis regi decem millia nūmorū aureorum possidenti: admiratione ductus afferat, tanta est fœlicitas tua O rex, & opum copia, ut mille nummos argenteos in tuis ærarijs habeas repositos. Haec si quis dicat, insanus uidebitur: & nō adeo fuste & suppicio dignissimus, q; mille adesse illi cui sint decem millia dictitarit, sed q; in laudem dedisset argentum regi, qui multis auri talentis abundaret, nec quicq; ex argento, sed ex auro omnia obryzo & purissimo tum pecuniam tum uisa conflata habuisse. Quāobrem qui altius intelligere uisi sunt, p̄stum supra sapientum omnium contemplationem deus attolleretur, silentiū deo pro laude satis fore putarunt, & tacita cordis ueneratione magis q; linguarum odis, & sermonibus diuinitatem confessi sunt & adorarunt. Sapientior igitur: & magis sapere circa res diuinas ille nuncupabitur, non qui plura deo affirmando pronunciet, sed qui plura de eo certa probatione abnegare didicerit. Et magis ille qui uiginti (si ita contingat) q; qui tria deo prædicata abnegarit. Atque iij non solum sapientiores merito reputantur, sed etiam deo proximiores, nō loco, ut ineptum imperitæ multitudinis nulgus opinatur, sed cognitione & mirifica sapientia ab scriptura uocantur. Ut si homines mihi consideres maris imperitos: qui nunq; conscederunt naues, sed in continenti & epiro uixerunt, inter quos unus illud cognoscat, q; illud quod nauim appellant, non est animalis genus, alijs etiam illud consequatur, quod non est quid planum, alijs quod in hac homines maria transcurrant, alijs etiā illud didicerit, quod non est rotundum quid, alijs etiam illud scire potuerit q; nō est, instar putei in profundum excavata, alijs q; non pyramidis more in conū pavlatim

¶ mucronem definat, alius tandem tantum in cognitione processerit, q̄ præter cætera quæ alij negarunt, neget illam equalē undiq̄ in extremis partibus ut in medio, hic postremus: non temere ad formam & effigiem nauis cognoscendam magis proxime accedere: à nullo non diceretur.

5 Cur Deus infinitæ potentiae dicitur? An quoniam infinitæ durationis est, quanto enim aliquid diutius & in longius temporis spatiū, uitæ diurnitatē producit, tanto maiori potentia præditum esse censetur. Deus igitur infinitum per se primum est, cætra uero quæ sunt æterna, & quo sempiterno agunt, in quantum diuinæ illius infinitudinis participationem communicant.

6 Cur Deus in oraculis nonnūquam uetus s̄tus dierum, interdum autem iunior appellatur? An uetus s̄tus quidem, & antiquus, plenusque dierum, quia ipse omnium rerum ortus & substantias antecedit, ut potè à quo omnium entium generatio procedat. Ut enim hoc & illud esse à particularibus causis deriuatur, ita & simpliciter esse: à prima ipsa omnium causa suppeditatur. Iunior autem ideo dici potest, quia omnibus rebus superstet, & post omnium rerum interitus & abolitiones ipse solus nihil immutatus permanet, quoq; uiget sempiterno, quod ipsam simpliciter essentiam mensurat, ut mutationes actionesq; metitur tempus. Unde & cataclysmum habitare deus traditur, eo q̄ in illunione & inundatione totius orbis, nihil interim diuinitas patiatur, sed æterna persistet nullis casibus obnoxia. An uetus s̄tus & senior deus fertur: quatenus principiū est, quod omnibus quæ ex principijs constant, antiquius esse consuevit. Iunior aut in q̄stū finis, qui tandem ultimo post oīa succedit. An quia deus unitas & simplicissima est, ideo & priscus longævus ue & iuuenior appellari mereatur, quæ pro ut numerorū primordium est, antiqua. & iunior dici potest, in quantum numeriquā ab ea magis recedunt, seniores uidentur, q̄ plures obtineant unitates. ut homines qui plures annorum periodos impleuerunt.

7 Cur Deus efficiens finis & forma nūcupatur? An efficiēs ideo dicitur, quia cum nihil temere & fortuito fiat, sed omnia ab aliquibus causis procedant, atq; dependent, quæ interim ab alijs deriuantur, nec res in infinitum recidat, cuncta tandem ad deum tanquam extremam & ultimam causam, quam ultra nullam aliam assignare est, quæ rebus præficiatur: referantur. Cum uero agentia naturalia agant propter finē, qui etiam alio tendere & spectare uideatur. Nā & politica facultas, quæ in humanis maior est, ad quam alia diriguntur, ipsa etiam propter aliud quid negotiari, & res agere, aliumq; finem querere, in quo cōstituta quiescat, existimat. Sed cum procursus in immēsum nou excedat, multiq; immo innumeri pene fines eidem operi assignentur, omnia deniq; ad deum redeunt, cuius uel iudicio, uel uolunta audit.

PROBLEMAT. ANTO. LOD.

te, sic illud sese habuerit atque constiterit. quem si excedas, nullum aliū in uenire possis; quem reddas. Deinde cum forma in rebus naturalibus id sit, quod integrum esse rei dat, & per quam unum quodq[ue] in hac uel illa specie constituitur, non enim per materiam, quae una & eadem omnibus quae oriuntur, & pereunt, substernitur, differentiam fortiuntur: ideo deus iure forma dictatur: & mundorum uita in Hebreorū litteris appellatur: quia si sciugatum a rebus intelligas, perire mox mūdum, & in nihilum reuerti, necessum est. Perinde ac corrupta forma dissipari substātā, & soluto nexus omnia quae uintiuntur delabi & uolitare contingit. Nam continet omnem orbem, cælumq[ue] & terras deus, & omnia quae in illis continentur, & continuo rebus esse impartitur, & participat etiā immortalibus, quae nisi iugiter uiuisarentur, & uirtutem qua se tuerentur, acciperent: neutiquam infinito tempore perdurarent, cum nulla uirtus corporea infinitam uim habere dignoscatur: quam nullatenus illis abnegare possemus, si in perpetuum se ipsa diffunderet, absq[ue] hoc quod per intercīsum defluxum uirtutis: potentiam a deo qua perenarent, mutuarentur. Unde subiit quosdam eorum qui ingenuè sunt philosophati, ut dicerent: cælum genitum esse, quinimo & indies gigni, quod nunquam sufficiens ipsum sibi sit immortalitatem dare, & incessabili motu cierēni aliunde sibi ea uis precario condonetur: quam cum non totam simul & affatim suscipere finitum existens possit, ut particula aliqua indies præstetur: oportet, si immortale futurum sit, nec motum interpellare debeat. Conuenientius igitur dens causa: quam opifex & effector diceretur, ut tria illa causarum genera in se complectitur.

Cur Deum intellectum esse: & rem quae intelligit, & quod intelligitur assuerant? An quia actu intelligit: nec est in potentia, aut resistit unquam: perinde ut nos qui cum diu a contemplando quievimus, actiones mentis in opus deducimus. Est autem intellectus omnis: non tam diuinus: quam etiam humanus, tum id quod intelligit, tum id quo res intelligitur, tum demum res ipsa quae ab intellectu comprehenditur. Nihil aliud est enim intellectus: dum actu percipit, q[uod] forma ipsa rei, quam intellectus a materia commertio & conditionibus sciugata, & abstracta. Perinde ac si sedeat Socrates, sessionem ipsum Socratem qui sedet merito appelles. Cum autem in deum, & hominis intellectum, dum actu rerum speculaminibus incubit, tria illa coeant & copulentur, discrimin tamen est, quia deus nunquam non speculatur (unde & geometrie dare operam a Platone forsam dictus fuerit) nos uero interdum agimus, & ad speculam rerum cōreditur: mentemq[ue] obuolumus. Illud etiānun interest, quod deus non præsentia dumtaxat, & quae fuerunt, sed & quae uentura trahitur, uno ictu cognoscit, & cōtemplatur. At hūanus intellectus angustis adeo limi-

tibus

tibus includitur, ut uix quod ante prospectū positiū iacet, mētis acumine cōsequatur.

6 Cur animæ partes quibus ratiocinantur & appetunt, diuersas inter se esse opinantur? An quia altera quidem agit, altera uero patitur, & altera circa intellegilia, altera circa suauia & tristia uersatur. Et alterius quidem uirtus & perfectio per doctrinam acquiritur, alterius cultus & probitas per optimam institutio nem, & probam à principio educationem comparatur. Et cum contraria in eodem tempore consistere circa idem nō sint nata, contrarias eas esse uires tam quæ ratiocinatur, tam quæ concupiscit, liquido constat, quæ infestis inter se odijs pugnare tā saepedignoscantur, nihil autē quicq̄ sibi ipsi pugnat. Nam quod ratio uetat, interdū praua libido prosequitur. Ut apud Euripidis Medeā suadet quidē iracundia, sed prohibet mens melior, agi ferrū in uiscera natorū. Disco inquit facere q̄ debeo: mala: sed furor sane meis est consilijs potior. In continentibus igitur uehemens utriusq; pugna est, & resistit, quo ad potest, ratio & uincit quidem superatq; ut plurimum, quāuis interdum. (si paulo magis natura obſtitit aut durius affectio rectoris frena momordit, atque protraxit) tanquam iusto marte uicta cōcedat, & manum tollat. Et ijs quidem hominum comitiale morbum patientibus, quibus per circuitum recurrit malum: aut alium quempiam morbum qui per orbem redeat, maxime similes esse uidentur. Intemperantes autem adeo subiectam sub pedibus rationem habent, ut nihil aduersari cupiditatibus contendant. Sed alij quidem supini, alij contrarij, alij in dorsum flexi: & obliqui, (ut inquit Plato) post uitia defferuntur, non absimiles ijs qui tabem immedicabile malum: aut aquam intercutem: aut aliam quampiam id genitus ægritudinē quæ transiit in habitum: & solidas corporis partes occupat, propter crapulas & epulas immodicas contrixerunt, & incontinentis quidem ui trahitur: intemperans autem sponte prosequitur.

7 Cur Plato & Aristoteles & cæteri philosophi (ut nōnulli uolūt) salui esse legem non habentes potuerunt? An quia si iuste uixerunt patrijs recte positis legibus obtemperantes, nec in ijs quæ sibi facta ab alijs noluisse, (ut ratio prescribit) cuius alteri nocuerunt, naturæ scita obseruantes, id abunde illis sat erat, ut seruaretur. Nā lex solis Hebræis data est: qui eam sibi dari à deo per Mosem: cōmuni omnium consensu & acclamatione postularunt. Nunc autem fide per orbem uulgata: in catholicem persuasionem assentiri omnino necessarium est, quæ per omnes sub cælo plagas propagata est: qui ab æternis auerni supplicijs liberari querunt.

8 Cur scriptura ignem caliginis nomine significat, tenebras super abyssum, id est ignem super aera (ut doctissimi exponunt) insistere narrās? An quia sicut quod in multa nocte est, non uidetur, ita nec ignis elementum uisu percipi potest propter ritatem,

PROBLEMAT. ANTO. LOD.

ritatem & tenuitatem à conspectu se subtrahens, alioquin si luceret aer: medijs noctibus totus ardere uideretur.

9 Cur morituri minus animæ suæ bene consulere, aut quid factu optimū sit prouidere possint? An propter uebementissimum dolorem, quem in separatione & discessu sentiscunt. Nam intensor labor quicunque totum animum ad se trahit, ut nihil alijs rebus uacare, aut minori dolori prouidere concedat. An propter immensam uitæ cupiditatem, qua quò minor cur uiuere uelint ratio est, eo impensius distorquentur. An quia nonnullos scelerum quæ iniuste patrarunt, conscientie exagitare & indeperationem præcipites agit, ut indignos se censeant, qui ueniam petant, cum nunquam tale quid opus perfecerint, ut eam consequi mereantur. An uero quia nonnullos deus in extremo illo mortis discriminē derelinquit: qui sæpius per uitā ab eo tantum non admoniti, & conuocati, nunquam aures castigationi dare uoluerunt. An quia parentes & propinqui & liberi & uxor nonnunquam sunt impedimentum, dum uel de hæreditate interpellant, uel blādities admouēt, & non esse eos eo morbo perituros persuadent, aut omnem cogitationem mortis (quæ uel eos sola saluos facere potuisset) ab animis quo ad possunt, reuellunt. An quia improbi dæmones, tunc omnibus uiribus enituntur: & machinas omnes prædæ inhiiantes, in sublime attollunt: quò eum qui iam periturus est, à deo remotum capiant.

10 Cur qui circa diuinos sermones theologizāt, alijs liberos nos esse cōtendūt, alijs autem nihil in nostra situm esse potestate affirmant? An ut omnibus omnia fiant, ut omnes lucrifaciant, sicuti filij medicorum non unico alexipharmaco antidotoue ad omnes morbos pellendos utuntur, nec gubernator unam uiam tantum nouit, ut se uentorū pugnæ cōtraferat. Sic sacri mystæ cum cernerent uarias hominum uoluntates, ita ut alijs cōmisorum mole grauati animū deiçiant, atque despondeant, ita ut à luto in quod semel plantam infixam posuerunt, se emersuros desperent. Hos igitur ut consolentur, libertate donant: atque adeo liberos esse proclaimant, ut & si mille scelerum myriadibus sint obnoxij, semper ueniae superesse regressum & saluti sentiant, ne extreum malum sibi inferre compellantur, modo tamē uelint, hoc est si entantur, si etiam poenitidine ducti ad deum supplices uota conuertant, & remissionē sibi dari flagitent, si ipsi sibi non desint, sed oculos in sui custodiam erigere non grauentur. Rursus cum sint alijs rebus secundis insolenter usi (nec enim minus periculum exprospera imminet fortuna q̄ aduersa) qui, adeo omnia sibi licere putent, ut omnes præse elato & arroganti animo despiciant, nullosque non contemptui habeant. Hos itaque admonēdos esse crediderunt, nè effrantur, nè tumeant, nè ue inani & turgido fastu superbiant, nihil esse quod glorientur, cum nihil sit quod nostra ope

ope fuerimus consecuti: sed omnia quæcunque nobis adesse bona gaudemus, diuina opitulatione & indulgentia possideamus, cui hunc pauperiorem Iro reddere, & inopia præmere, alium ad regnum & immodi cas opes euehere collubitu fuit. Nō aliter ac sigulus nunc ex eodem luto urceum, nunc amphoram componit, & modo peluim qua lutosi pedum calces collauentur, constituit, nunc poculum egregium, cui regum ora, & pulchra uirginum labella admoueantur.

LIBER QVARTVS PROBLEMA TA CONTINENS, QVÆ AD RES MEDICAS FACIVNT.

Ropter quid cū quinq; digitos in summa manu nobis natura produxit, magnum quidem seu pollicē ab indice aliaq; digitorū mole & serie seiunxit, eum uero qui mediū est, uertice suo aliorum utrinq; positorum superantem cacumina constituit? An ideo reliquis unum fore digitum contra positum oportuit, ut melior magisque fidelis fieret apprehensio, quæ est propria manus operatio. Omne namque quod cohercere, & constringere circum est opus: id ut circulo comprehendatur, requiritur, ut si struem lignorum colligare ad inuicem uincire que uelis, per mediū circuitu fune utrinque ita ut illuc exeat, unde fuerit progressum, cōmode religaveris. Quia uero si in una esset ueluti atie digitorū disposita series, fieri non posset, ut rem circulo circūquaq; præbenderent, hinc ut omnibus numeris foret absoluta digitorum constructio, digitum unum ex aduerso collocauit, qui quoniā singularis multis cōtra renititur: hunc insigni præ cæteris magnitudine præditū existere fuit ope ræpreciū, quæ quia pollet, prout decet, pollicē nostri: Graij & megā & antichira hoc est magnū & promanū absolute dixerunt. Digitū uero medium, seu infamem, seu famosum, seu medicum (nam ijs omnibus nominibus nuncupare licet) ob id naturæ sapientia longiore facit, ut quando flecteretur manus, ipse cum æqualibus utrinque positis (nā id erat melius) ad unum simul conueniret, quod manifesto euenire conspicitur: nam si manum plicaueris, adeo æqualiter desinunt, ut non iniuria eos in eadem linea positos esse suspicéris. Hinc & in triremibus: qui medio positus est loco: remum & productiorem & longiorem constituunt, ut cum tota remorum series aquas retro innixa diuidat: atque proscindat, ad eandem æ qualitatem peruenies,

remi

PROBLEMAT. ANTO. LOD.

remigium utrinque æqua lance impellat, atque protrudat.
 2. Propter quid uero in simia, is digitus quem alijs ex aduerso ferri oportuerat,
 & paruus quispiam: & simul cum alijs ita cōstitutus est, ut utilitates propter quas
 in alijs animantibus compositeus est, corrum pat? An quia simia ridicula est homi-
 nis emulatio. Voluit enim natura inter tot animantia, tanquam opere defessa, quo
 risus mortalibus excitaret, unum animal construere, quod omnes operationes homi-
 nis, & actiones dum niteretur effingere, in ridiculum prolaberetur. Nam & fistula
 pulsare, & scribere, & saltu se ex humo tollere, & caput expurgare & singu-
 la deniq; hominum studia referre conatur, sed tamen ridicule omnia. Quoniam igit
 tur risu tum maiore cōspergimur: atq; diffundimur, cum cernimus eos qui rem quā-
 piā emulari, & ad eius imitationem se comparare contendunt: si minutissima quā-
 q; obseruantes, in principalibus ubi maior fuisset cura collocanda, decorem non ser-
 uant, sed longe tum deficiunt, atq; aberrant. nulliq; non ridiculus is pictor censeatur,
 qui cum singula alicuius imaginis membra studiose exornauerit, oculos facere prae-
 termittat, aut partes faciei minus recte componat, quæ diligentius elaborād^e essent.
 Sic igitur natura ridiculo quoad mores & naturam animati, risu item dignam cor-
 poris constructionem adhibuit, & cum per singula eius conformatiōnem fuisset ex-
 acte prosecuta, in momētaneis & principalibus defecit. Nam quæ quæso utilitas?
 quis usus? quæ tanta quattuor digitorum q̄stūis recte ualentium cōmoda? si ma-
 gnius digitus male sit affectus, nec aut commodam fuerit molem sortitus, aut non ex
 aduerso: sufficienti intersticio ab indice separetur. Eleganter ergo profecto Pinda-
 rus: simiam semper pueris pulchram uideri cecinit, significans nil aliud simiā, q̄ ludi-
 briū: & ludicrū iocosum, quo pueri oblectari ludentes consueuerunt.

3. Propter quid si manū tēdas: mox digitū q̄stūis eos ad latera flectere nō præcli-
 gas, mox à se mutuo dissoluuntur, & discapelinantur, & quāto magis extenderis,
 tanto magis hoc patiātur, si uero inflectas: mox adeo conniuent, & in unū nuunt,
 & exacte coniuguntur digitorū summitates, ut et si nolimus, unū & idem exacte
 pūctum circū stēt. An quoniam (quia sic magis usui erat profuturum) ut mouen-
 tes chordæ, quæ ad articulos protensæ ceu funiculi quidam digitos agitant, & om-
 nimodas motiones cident, ab eodem principio deriuantur, & ab uno quodam capite
 cōmuni: ceu trunco quodam aut stipite incipiunt, rectosq; angulos cum hoc princi-
 pio faciētes, exinde diffundi, & diuidi, recte q̄s ferri in digitos nitūtur. Hinc necessa-
 rio evenit, ut quāto magis à principio recedūt, tāto maiori interuallo à se disiungūtur,
 quādo uero id initiu quod in medio carpi locum obtinet, oēs simul & singulos sigil-
 latim pertrahit, atq; cōuellit, ad se ipsū nuere & inclinari digitorū uertices cogit.

Cur cum

4 Cur cum natura paria semper organa dextris & sinistris partibus iustissima dispensatione diuiscrit, ut in manibus, pedibus, oculis, auribus, conspicuum est, pulmo tamen in sinistris binas pinnulas in homine habeat, in dextris autem ternas, & in omnibus animalibus: quibus plures pinnulae insunt: (quas lobos vocant) pulmonis dextra pars unica pinnula a sinistra abundat? An haec quidem pinnulae lobiue qui ad inspirandum deseruntur, in utraque parte totidem sunt, & numero aequales. Qui bus uero quintus lobus additur, ad refirmitatem solum uenae caue ad iugulum ascendentis substernitur, ne assiduo pulmonis & cordis motu, quae quidem extrema nunquam cieri desinunt, concutiantur. Vnde spongiosus hic ad receptionem aeris non est, quia ad inspirationis usum ut reliqui lobi: non fuit institutus: sed moliter inclinatus & cōcavus est, ut firmū & stabile substrumentū in scēdenti uenae caue sufficiat.

5 Cur qui crura intus reflexa & contorta habent, (quos natias appellamus) qui scilicet intro pedum uestigia condunt: diuinis in pedes stare possunt, nec fatigantur? An q[uod] maior pedis portio oneri desuper ferendo supponatur: quo fit ut onus impossū minori negotio ferant. Quod si statores & sellularij esse, nec unquam progredi loco haberemus, multis numeris melius cum illis res ageretur: qui intro plantas reflectunt: q[uod] qui directas porrigunt. Nā in ijs subiecta ferme tantum pars corpus leuat: reliqua incessui progressionique prodest.

6 Cur autem qui plantas & pedum uestigia extra conuertunt, geniculari melius & sine labore possunt? An quod genuum articulationes extra tendunt, & flexūtur: ut minus distorqueri membra crurae sit opus: spōte sua iā articulis cōuersis.

7 Cur qui reclaminiū crura gerunt: si natice ut plurimum efficiuntur? An quia suppositi corporis pondus tibiae ferre non sustinentes, tandem curuantur, & geniculantur: non secus, q[uod] contingat illis, qui oblongo corpore profecerunt: quos eleganti corporis specie iuuenescere, ad senectutem autem deterius se habere Hippo. narrat, eo q[uod] incurui gibboq[ue] obliqui senes euadant: spina ob imbecillitatem flexa, nec ferre amplius ualente praegrandis corporis artus, quod non adeo ijs cuenit, qui omnium dimensionum & qua magnitudine pollent, aut corporis profunditate in altū proportionē inauicti, magis præstant.

8 Cur soluentium medicinarum sunt certi præfiniti gradus, alterantium autem non sunt doses limitatae? An quia prout res exigit, aliquando multum, interdum minus alterare uolumus: medicaminum autem quae soluendo sunt, est usus periculosus, & maxime in acutis febribus, quia affatim omnia calent, & uenenosa qualitate nō uacant, ut si modis a maioribus præsumitus excedatur, periculum sit ne uenenum pro præsidio offeratur & propinetur.

Cur

PROBLEMAT. ANTO. LOD.

9. Cur utero gerētē ab aliqua ægritudinū acutarū capi lætale est? Quia si alimōniā exhibeas, fomēta porrigit in orbo, sine ges: ob inopiā alimenti moritur conceptus.

10. Propter quid cum sœuum caniculae sidus exoritur: aluum purgatorio medicamento ciere est dānosum? An quia pharmaco nata uis est, ad imum uentrem trahere humores atque conuellere, at aeris feruor ad cutem extimam dicit: quare medicamenti trahenti renititur: atque repugnat. An quia tunc corpora mortalium exæstuant: & nimio calore ardent, ut pharmaci acrimoniam sustinere nō possint. An potius quia dissolutum & imbecillum redditum corpus existens, ab ambientis calida constitutione, non est par: ut uim atque violentiam medicamenti, quam naturæ infert, sine magna noxa transmittat.

11. Cur omnis euacuatio primaria ratione uiribus officit? An quoniā simul multum de uiuifico spiritu effunditur: & exauritur, quo tamen anima ad omnia munia & functiones utitur: tanquam proprio organo atque instrumento.

12. Propter quid filij medicorum si tempus in quo uenam tūdere cuipiā ex re fuisse, præteriit, tanq; occasione abeunte sanguinis minuendi, præsidium ut plurimum omittere consueuerunt: aut etiam propter quid primis diebus cum ægrū inuisunt, si febris ardens infestet, & sanguinis copia, aut etiam multorum succorum crudorum, natura pergrauetur, sanguinem eis mittere solēne est, tardius uero conuocati minime? An quia spatio dierum uires exoluuntur, adeo ut non sufficient sanguinis missione tolerandæ, quæ uires, ex omni euacuationis communi ratione, prosterne re atque deiscere est nata. Nō sunt uero illi audiendi qui dicunt aut dierum numerū aliquid facere, cum dies nil efficere per se possint, nisi uirium exolutio intercedat. aut qui id auxilium in processu minime conuenire asserunt, quoniā sanguis qui præ alijs humoribus in uenæ sectione extrahitur: tempore in bilem utramque flauam scilicet & atram fuerit conuersus, ut sit melius hominem purgatione per pharmacum liberare, quam sanguinem mittere expediat.

13. Cur ad magnos dolores inflammations in membris dolentibus consequantur? Quia natura quæ nostrum curam gerit, ad locū patientem sanguinem & spiritus destinare consueuit, quo aduersus dolorem opem ferat, & auxilietur, & depellat quod nocet, contingit autem ex accidenti, ut multus sanguis confluens, inflammatione particulam distendat.

14. Cur medici manum mittentes in carpum, nonnunquam utrinque digitis comprimit arteriam, interdū autem leuiter tangunt? An quoniam pingues & obesi, arteriarum ictus profundos & subeuntes habent, quos ut a sequantur tactum fugientes, premere abüde satius est. Imbecilli autem & minime carnositi: obscurius & debilius

1. V. meth.
qd nō nō
solus viriū solu
e attendit
nō sedet.

bilius pulsant, & percutiunt. Hos autem blâde contangunt, quoniam periculum esset: ne
ij quibus salutis spes reliqua est, ut desperati pulsuq; carêtes reputentur: quod non
nullis medicorū frequetarii est, nec enim obiecta carni moles intercipitur, sed pul-
sus importuna illa oppressione cieri prohibetur.

15 Cur si frangatur, aut scindatur aliquod os capitum, extrahere illud conueniens
est? An quia relictum: pus aliquod & paruum quempiam humorē creauerit, qui ce-
rebri inflammationem augeat. Multi autem machinātur ut foramen secundū tēpora fa-
ciant, quā sanies delabendi locum habeat, absq; hoc q; cōfractum os eximatur, sed id
tamen non ita per inde tutum est, tum quia illac nerui insignes exoriuntur, quorū nul-
lus secundum uerticem erūpit, tum q; craneum plerisq; in partibus durissimum adeo
est, ut non ita facile perforari posset, quod si fieret, etiam num periclitaretur æger,
ne illac particula aliqua cerebri diffluens elaberetur.

16 Cur aqua calens & humens neruorum doloribus atq; puncturis, inimicissima
est, cū reliquarum inflammationum molestias emollire manifesto cōspiciatur. An
quia frigore & siccitate cogēte nerui cōcreuerunt, quibus omnibus ea quae cum calo-
re humorē adiūctum & sotium habent, aduersantur: & putrescere faciunt: eoq; soluāt
& diffundant substantiā. Quam ob causam neruus ubi punculus est, nō adeo spō
giam ex aqua calente impositam: sed tenuium partium medicamina adhibemus: que
cum mediocri calefactione sine dolore discutiant & exsiccent.

17 Cur medicorum filij cum lapillis quibusdam parvulis qui in fluminibus repe-
riuntur, aut ferri orbiculis carentibus, in lactis humorē coniectis: omnem humiditatem
exhauiant, rursus aquam infundant, aut enim modo frustra nunc iniiciunt,
aut temere antea lactis humidum consumpserunt? An quia non adeo ut humorē
depascant, quam ut acrimoniam quae in sero est: qua aliis ad excretionem irrita-
tur: retundant: ferri igniti impositione moliuntur. aquam uero inspergunt, ne in uen-
tre concrescat, & casei ritu conspissetur, quod si fieret, pessima symptomata
sequerentur.

18 Cur cum præcepta quædam opsonatricis coquinariæ artis medicus &
coquus præceperint, in hoc tamen à se inuicem differre dicantur? An quia peculiarem
intentionem, & proprium singuliscopum habent. Nam medici utilitatis ratione cō-
dimenta adhibent, quod enim suauius est facilius concoquitur, quam quod ingrato sa-
pore constat. Unde condire oportet alimenta, quæ accepturus sit æger. coquus
autem solam uoluptatem spectat atque eas condituras ministrat, quo gustui satis
faciat, ex quibus cruditas, & incordio magis consequatur.

19 Cur foeminis frigidam ex niue aquâ bibetibus, mēstruæ purgatiōes retinetur?

PROBLEMAT. ANTO. LOD.

An quoniam frigidum obsepit & obstruit meatus, quia defluxiones eunt, quibus ne in morbum lateralem incident, aut anginam, aut pulmonis inflammationem, aut ne sanguinem expuant, cruento per debitam periodos non excreto, praesentaneo praesidio uenam tundentes, succurrere medici consueuerunt.

20 Cur si in febre non intermittente, rigor frequens & iteratus saepius ægrotatem occupet, omnino è uiuis migraturus sit æger. An quia si sudor cōsequatur, ratione evacuationis periturus sit, quam uirtus imbecilla existens tollerare non potest, quin ipsa etiam resoluta digeratur. Sin autē sine sudore rigor infestet: quia deiecta & prostrata facultas est, quae nos gubernat, ut a se excutere non possit: quod nocuum est.

21 Cur febres pestilentes non sunt nimis æstuosæ? An quia non adeo manifesta qualitate loedunt, quantum maligna proprietate nocendi, quæ totam substantiam cōsequitur. An quia mox calorem natuum subuertunt, qui si fuerit paucus, quiet præter naturam multis esse non potest, ut potè ab illo originem trahens. Unde febres senibus non similiter acutæ ac iuuibus accidere queunt, propter temperaturæ rigorem.

22 Cur glandia quæ adenes dicuntur, & pulmones, & lien, & cerebrum prompte totius corporis in se excrementa suscipiunt. An quia hæc uitalia tam molli & laxo, minimeq; compacto substantiae textu cōstāt, ut omniū mēbrorū sentinam & sanguinem suscipiant. Nā in corpore perinde ac in ludo quoipiam à fortioribus, & maiore ui pollutibus: tam diu superflua quæ mēbrū grauāt (ceu pilæ quidā iactus) trudūtur: donec ad imbecillia quæ repellere non possunt, procumbant. An uero quia iij artus tres facultates natuas potissimū imbecillas obtinent, attractricem scilicet, retentricem, & expultricem, (quas uocāt) quis eam quæ nutrimentū alterat, nō multo imbecilliorē habeat. cerebrum autē et si ad suscipiendū nō minime prōptū: maximam tamē opē sentit, magnis quibusdā substructis poris atq; meatibus deorsum, quo naturalis humorū cursus est, per quos excrementa confluent & delabuntur.

23 Cur tensio aliquibus in partibus nonnunq; molestat, nullusq; tumor appetet? An quoniā in particulis uisui nō subiectis latitās aliqua conspectum subest moles. An quoniā nō in ipsa uasorū cauitate, sed in tunica plenitudo recepta est.

24 Cur cum in omni plenitudine tensio & grauitas comitari soleant, ubi bilis super excreuit, horum neutrū adsit. An quoniam prius alijs symptomatis corripuntur, quam iij superueniant casus.

25 Cur eos quibus in pulmone hulcus infedit, insanabiles aliqua ope arbitrantur? An quoniam id uiscus in præpete & iugi semper motu uersatur, assultans usque

usque: & cordi flabella comparans. An uero id nihil obstat, cum possit tum thoracis tum pulmonis latio: an helitu contento prohiberi. sed quoniam sanari, bulcus non expurgato pure quod acrementi, & corrodendi vim habet, haud licet, pulmones autem non nisi tussibus expurgari possunt: quæ tum diuortium faciunt, tum partes irritando diuellunt, unde & inflammationem augeri, & continuatatem despici: & iterato redire malum necessarium est. Si quibus autem in pulmone disruptum uasculum aliquod uiolentius fuit, antea q̄s inflammationem, cui nulla manus medica succurrere possit, cōtrahant, unicum præsidium est: si in loco obscuro habeantur, & tusses (quoad possint) compescat ne quod aiunt exulcerent morbum.

26 Cur dolentibus partibus phlegmone generatur? An quia singulis particulis inest nocentium expultrix facultas, quæ doloris causam protrudere gestiens, sanguinem & humores ex supra positis partibus accersit, & concutit, qui in parte ueluti cuneo collecti, in molem particulam attollunt. Nō autem id adeo in causa est, ut nonnulli dicerent q̄ sanguis & spiritus dolenti membro suppetias afferant.

27 Cur lippitudinem patientibus somnis accommodus est? An quia tunc nec oculus ipse mouetur, nec humores qui fluxui sunt parati, & dolor minus persentitur, qui defluxiones ciere solet.

28 Cur multi orco iam candidati, & mortui, obijisseque iam putati, in uitam rediuiui relati rursus redijſſe traduntur? An quod animæ aliqua scintilla & particula uitæ exigua reperiri in ijs potuerit, quæ obseruantes medicantesque latuſſet. An quod multi præ deliquio animi qui calore dissoluto & fermè extincto periclitatum iri pergebant, irrigato calido: rursus animam exhalantem suscipiant: ut quam plures uidemus: qui adeo & frequenter dissoluuntur, rore aut frigida conspersos, tenui quodam uapore per faciem genasque ex imo erumpente, ita refectos: ut parum à uita restitutis differant, quibus Asclepius Pæoniaſ suas adhibuit manus. An quod nonnunquam anima intus intenta, ut causas quæ egritudinem committunt, concoquat, & propulſet, minus externis membris & particulis adesse possit, ut functiones suas obeant, qua tamen ex alto reducta, mox ut prodire & erumpere ualuit, fit: ut plures qui diem obijſſe iam credebantur: à profundis manibus: & auerni portis, ubi inferni sedes seorsum à diuis: (ut inquit Euripides) habitatur: ad uitam reuocati existimentur, quod quia senio confectis magis quā iuuentutis uellere gaudentibus: plurimum euenire consuevit, ideo medicorum filij senes qui attonito aut comitiali morbo perijſſe creduntur, post tres dies intumulatos insepoltosque haberri præcipiunt, quo tempore consentaneum est, animam si in medullis & imis ossibus hærebant, iam fuisse reddituram, ut membrorū munera procuraret.

PROBLEMAT. ANTO. LOD.

29 Cur ægris quibus ad animi deliquiū medici sanguinē detraxerūt, aliis ceu necessitate quadam cōpellata mox copiosa excernit? An quia in defectu hypothyriaue, ex toto corpore humores nictatim & cēturiatim confluunt ad cor, ut uisceri principali suppeditias afferant, in quo facultas incubat, quæ uitam membris suppeditat, cōsequitur autē ut in ijs ductuū humores positi: & alij etiā a calore colliquati deicantur per imam aliū (quod etiā in tremētibus accidit,) nec multū dissimili ratiōe qui ad ignē proxime ut calescerēt, accesserunt, lotij mittendi uolūtate tenentur, quia calor hūores eliquat, unde quæcūq; medicamenta quæ uel elitiēdi sudoris uel promouē di urinas, uel obſtructions remouēdi, facultatē habent: ui calefactoria pollent.

30 Cur quib[us]dam nē fluat, retineri aliis consuevit? An nonnunquam id fit propter ambientis aeris frigidam temperiem, quæ cogat & astringat sedis musculos, ut nihil fluere finant, cuius contrarium calentioris aquæ balnea efficere sunt natā, propterea quod laxent, & mulcent musculos illos, quibus diffusis excretio-nes prodire mox affolent. An propter expultricis facultatis imbecillitatem, & re-tentricis robur, quam fuscitates & cibi quicunque astringendi ui sunt prædicti, multum adeo iuant, & ualentiorem reddunt. An quia nonnulli epulas ingerūt; quibus nulla acritudo nec mordicatio est. An etiam propter intestinorum diffi-lem sensum, quæ nisi excrementa quæ illac iter habent: ualide pungant, nunquam one-ris grauitatem persentiantur, facit ad hoc etiam num uis epatis fortior: & uenarum: quæ inter uentriculum & iocinus interiacent: exsugens a uentre: & rapiens alimen-tum, priusquam quicquam ad imum descendat, unde qui minori potu utuntur, magis mingere quam excernere solent, quia depascatur interim iecur ciborum humorem, quod si quis bibat copiosius, affatim excrementa succedunt, bumentiori redditā al-uō ad excretiones imas.

31 Cur si quis bis post noctis medium minxit: primus miclus concoctior secundus crudior est? An quia alter perfecta mox & absoluta concoctione redditur: alter longum post, qui nō adeo cōcoquitur: in ijs autem urinis quæ intēpesta nocte mit-tuntur: secunda omnino cōcoctior magis est quæ cōcoctioni est proprior. Atq; hoc pacto medici dignotioes urinarū facere solēt, quas binas eger ostendit.

32 Cur sudores tertiani aut quintani decretorijs sūt morbisq; ut plurimū cōtingat, raro autem quarta dies sudoribus iudicetur? An quia ægritudines quæ sudoribus finiuntur, per acutæ efferuescentesque nimium sunt quæ ut plurimum per tertiam diem, & diebus imparibus exacerbari: accessionesque capere consueuerunt. Si qui uero morbi tardiores sunt, per pares magis infestant, quod si per acutus morbus segnior quandoque efficiatur: exacerbationes quæ a principio in imparibus urgebant,

bant ad pares permuntantur.

33 Cur dulcis pituita somniculosos facit? An quoniam calens & humens omniū quae dulcescūt ratione, & molles multosque halitus ad caput excitat. Somnia autem humectato principio proueniunt: quod in cerebro thronū habet. Hinc uina & balneæ dulcium aquarum: propterea quod caput implent: & infartiunt, somnos prole-
ctare consueuerunt.

34 Cur autem acidæ pituitates famelicos reddunt? An quoniam coarctant at-
que corrugant uentriculi osculum: quo factō fames insequi consuevit, quo argumen-
to atram bilem natura disposuit & cōparauit, ut suo acore & frigore uentriculum
irritaret & moleste afficeret, & inopie sensum animalibus inferret, ut per alimen-
tum præsidium petatur, salsa autem pituita ut poste omnem exbauriens à uentricu-
lo humorem: siticulosos non iniuria facit. ut cruda, fastidia & longas inedias: &
diuturnas famis patientias operatur.

35 Cur animal quocunque lac habens in utero accipere potest, quod autem non
concipit, lacte omnino caret? An quia hoc ad partus alitionem à natura ordinatum
est: qui si nullus sit, lac prorsus superuacuum est. An quia ex eisdem mulie-
bris sanguinibus, & lactis, & foetus generatio est. Nam quod in fœminarum
profluijs optimum & tenuissimum habetur, in substantiam conceptus transit.
pars altera in lactis humorem concedit, quod reliquum est in enixu ex fœmineis
locis (lochian uocant) deinceps. Vnde si lac in māmillis adsit, menstruae sane pur-
gationes mulieribus defecerunt, & si rursus hæ non eunt, aut concepisse in utero,
aut lac habere mulier significatur. si uero non retinentur: nihil horum est. An ue-
ro quia quæ oua edunt: minus superfluica sunt, quam quæ animal parere: consue-
runt. Vnde nec uteros gestare solent, nec lactis alimoniam in papillis paratam ha-
bent, quam nuper genitis natis offerant, sed satis habent, si inuolucres pullos quos
à putamine corticis excluserint, alarum tepiditate fotos defendant, & nugas sane
illi agunt, qui lac gallinaceum inueniri arbitrantur: Non magis enim hoc inueniri
potest, quam cornu à ceruis absconditum, ut in proverbio est.

36 Cur lingua modo tangendi uim interdum gustatum deperdit? An quia non
eisdem ab eadem iugatione cerebri uenientibus nervis utrumque agit, sēpius au-
tem gustum amittit, quia exquisito magis, & tenuiori organo eget. Nam sub-
tilissimum omniū est uisus sensorium, proximum auditus: crassissimi & telluri pro-
portionales cæteri, quos cum belluis communes maxime habemus, mediū inter utros-
que odoratus locum sortitus est.

37 Cur arteria ad uenam sesquipla magnitudine est, ut inquit Herophilus?

PROBLEMAT. ANTO. LOD.

37 An quoniam illa spiritus & sanguinis tenuissimi conceptaculum est, quem bene sarclo, & tecto loco occludi & coherceri consentaneum erat, ne cito euolaret. uena autem cruoris tanto crassioris conceptaculum est.

38 Cur cæteris animalibus mammillas ad imas partes, & sub uentrem, homini autem in pectoris osse (quod sternum uocant) naturæ industria collocavit? An quoniam lac utilis alimenti quo aluntur membra superfluitas est. In cæteris autem excrementa sursum in cornua, in dentes, & alias id genus particulas conuertuntur, quibus deorsum ubera naturæ ingenium traduxit: merito, quia sursum alimenti copia deest. Homini autem conuenientissimus est pectoris locus, quoniam eo in loco propter cordis & thoracis perpetuum motum lactis humor sufficienter conficitur: atq; decoquitur propter calorem, qui ijs in partibus non modicus est. papillæ uero rursus ueluti uicem rependentes cor ipsum reuerberando calorem tuentur: ut uestes corpori applicatae. in cæteris autem quæ prona in terram incedunt, nihil tale opus est: spina ad iniurias exposita. Quibus igitur in pectore sunt: ijs māmillæ in utroque sexu adjunt: equis autem etiam maribus: quis subitus positas gerant: non desunt, qui ad matres: similitudinem obseruant, ut ab Aristotele proditum est.

39 Cur nonnulli ita delirio tenentur, ut uidere & audire interdum se credant, quæ nec fantur, nec loquuntur aliqui, & agi existimant, quæ non aguntur, cum animam ipsam rationalem ne quicquam pati conueniat? An quoniam animi mores corporis temperamenta sequi consuerunt, ut ex cibis, ætatis, & regionibus facile dignoscitur. Nam qui ceu frigore & grandine mentem constrictam habent: uino curas discutiunt: & buglosso in pateras iniecto animum soluunt atque diffundunt. Ad hæc qui tenuorem sanguinem in uenis habent, ingenio magis pollent, quibus uero crassus in corpore sanguis est, hebetes ij & tardi ferme esse solent. Qualis asino, & stolidis cæteris animatibus est, homini uero maxime subtilis, & præcipue ad eas partes quibus sapimus: per uenas tenuissimas defertur, illic etiam concoquendus: unde & prudentissimum animal est. Ad hæc hilares, laeti, ioculares iuuenes, tristes, moesti, & solliciti & nunquam non capite obstipo secum cogitantes propter ætatis frigora senes. Cæli quoque regiones, & loca, & aeris constitutio-nes, & superni influxus maximam uim habere ad immutandos animorum mores dignoscuntur. Quippe non solum in uarijs terrarum partibus, & diuerso locorum situ homines fortes, & audentes, & subdoli, & uafri, & astuti, & imbellies, & molles, & atri, & candidi, & glauci, & proceri enascuntur, sed etiam & prudentes, & acuti, & animo, & ratione magis ualentes, ut qui quinti climatis parallelum zonamue inhabitant, non solum corporibus, cæteris qui extremos

mundi

mundi cardines: aut medios colunt, sed & lingua, & moribus, & ingenij, animorū
 q̄ uirtutibus multū adeo præstant. Nam quid aliud sit in causa: q̄ hic doctos: illic
 imperitos tellus producat, q̄ quod tales ferme singuli euadant, qualem aerem spirat,
 & qualis sub sole degunt? Hæc igitur animam temperamenta sequi penè ostendunt.
 Cicuta item, & mādragora, & papaveris lachrima, si bibantur: animales omnes
 actiones torpidas & emortuas reddiūt: & quæcunque sōnifera uocantur. Vt enim
 cum attonito & comitiali morbo oppressi iacēt, aut Caro, aut Comate, aut Cata
 phora: in profundum somnum delabuntur, aut cum: deprehēsionibus, & Catochis,
 stupidi inconciuentibus oculis manent, impediri & quiescere uis: quæ ratiocinatur,
 dici quoquo pacto non absurdè omnino possit, cum tamen delirant, cum furibun-
 di è lecto exiliunt, cum gallorum more brachia quatunt, & attollunt, cum domo
 eos qui non adsunt: sibi expelli postulant, cum flocos & pilos à uestibus decerpunt,
 cum quæ non sunt cernere, aut auditu percipere se opinantur, non adeo impeditam
 sed affectam animam: maximum inditum est. Vt enim cum similia suffusorū sym-
 ptomatibus: propter ascendentis sursum à uentriculo uapores: ante oculos simulacra
 uidere: se nonnulli existimant, nihil uis ipsa uisua perpessa dicitur. Cum tamen
 dupla aut tripla intuentur, potentia ipsam quæ perspicit, læsam & paſsam esse om-
 nino dicere oportet. An uero immortalem existentem animam, & ante corpora
 præuentem, corporum affectionibus, chamæleontis more aut polypodis qui telluris
 quoſcunque colores imitatur, pari modo affici nequaquam dignum est. Sed cum
 non sine organo corporeo mēs agat, sed ad omnia munera spiritibus, & sanguine,
 aut calore qui in ijs est: utatur, inde non fruſtra contingit, ut si spiritus immodeſ-
 agitentur, uel cerebri uentriculi, in quibus facultas quæ sapit, ſedet: alterentur, illa
 impatiū exiſtente: affici tamen uideatur: quia ut cum instrumentis læſis & laceſitīs
 aliquod opus probe perficiat, fieri non potest. Sic faber si dolabram retusam habet,
 non ſolum non recte lignum ſecat, ſed male ſecat, nec id artis uitiū eſt, ſed instrumē-
 ti, nec culpam præſtare tenetur artifex, ſed male acutū ferrum. Ad eum modū cæ-
 lum uarijs coloribus infectū uidetur: quia nubes interposita uariegata eſt, & omnia
 per uitrum inſpecta, talicolore infecta apparent, quali fuerit uitrum perfuſum. ui-
 ſus tamen integer manet, & perfectus nec quicquam paſſus eſt, quamuis obex in-
 terpoſitus iudicium rectum impediatur, & rem alieno colore affectam ab hoc tamen
 uideri faciat. Ita & licet interdum amissis delirare, nec mens ſatis ſibi conſtare
 uideatur, non tamen ipſius animæ error eſt, ſed ſimulacrorum, & motus inordi-
 nati in spiritibus, qui ſunt illi unicum ad omnes functiones instrumentum. Intelligen-
 tem nāque uifa quædā & ſpectra (quæ phantasmata appellant) cōtēplari oportet.

PROBLEMAT. ANTO. LOD.

Non itaque anima est aut affectio corporis: aut quicquam denique quod illi accidet modo inhæreat, & consequatur, et si hoc bene aut peius disposito, recte aut sentius suum officium agat, & expediat. Nā etiam quia impartialis anima sit, inde manifeste patet, quia doctrina cum docetur, non euadat minor in habente. Potētiae autem materiales cum se tradunt, & alijs sui copiam impertiriunt, ipsae se minuant, ut si liquorem in uas aliud diffundas, minus in priori uaseremanebit.

40 Cur fato posito animorum uitia, & uirtutes, & laudes, & uituperationes, non pereunt? An quoniam anima dominum non agnoscit, nec fati legibus scitis ue obnoxia est, nec uero de singulis decernere & prospicere potest fatū: quae sint infinita, & numero careant: quae uni accidere possunt. Sed semper sub conditio-
ne & pacto fatale decretū proponitur, ut si hoc fieri, & illud erit, & si Paris Helenam rapuerit: bellabunt Achii ad Troiam. quae antecedunt, arbitrij sunt & libertatis, sequentia fato debentur. Rapuit itaque nō impulsus: sed quia comptus, quia formosus, quia opulentus, quia lascivus, quia nauigauit, quia denique ad libidinē & Venerē sufficienter promptus. fato autem bellum Troianis illatū est. Sic & Laio dixit Pythius: Si filium genueris, natus te mactabit impie. Potuit ille quidē non genuisse, sed non potuit non parentem occidisse, qui nasceretur. Primum possibile erat quod (ut Platonici diffiniunt) inter uerum & falsum medium est, & uel in for-
tuna uel in uoluntate positum, nē liberos tolleret. Postremū fati est necessitate de-
cretum (quod Græci eimarmenent quod omnibus proconuenienti competentique por-
tione distribuat uocarunt) nec fatum prius: sed prouidentia posterius est, atque ab ea procedit & generatur.

LIBER QVINTVS EA CONTI-

NET QVÆ AD INGENVAS DI-
SCIPLINAS FACIVNT,
Cuius sunt Sectiones tres.

Seclio prima de ijs quae ad astronomiam.



Vr filij eorum qui in mathematum disciplinis uersantur: cælum esse sphæromatis modo: in orbem circulumque globatum tradiderunt? An quia eam figuram potissimam uidere uisi sunt, quæ cælo præstantissimo corpori dicarent. Vel quoniam sibi ipsi semper similia est, finemque cum principio rursus connectit, ad eumque locum unde processerat, iterato reuertitur, cum quæ in rectum feruntur, a se inuicem magis

magis dissentiat, atque discedant, quo partes iudicent procedunt. *Vel* quia cum tellurem undique complectatur: et quae propter eam distantiam partium, uim maximam habeat, et potentissima sit, ut calor et lux cœlestis, ab æthereis corporibus dilapsa, in gremium terræ almae omnium rerum parentis, ad res mortales fouendas diffundantur. *Coit* namque virtus ad medium: unitiuūq; est partium centrum. *Vel* quia ad perennitatem magis erat apta, atque ut non diuelleretur, corruptionemque non subiret, cum nulos habeat angulos, quibus mordicus contrectatis figura diffueret. Quā ob rem præcipuas animaliū solidasque particulas, ipsaque rerum semina, tali constare figura natura uoluit, quae nihil non sapientissime operatur. *An* quia simili plicissimo corpori, figuram unicadumtaxat superficie præditam, qualis est, quae in orbem curuatur, ascribendam esse crediderunt: cum conus duas superficies, cylindrus tres, pyramis et reliqua schæmata plures habere dignoscatur. *An* quia si rotunda esse daretur cœli figura, hac una ratione dumtaxat inane euitari posse, quo nihil hostilius rerum natura ab horret, cernebant: cū in relictam stationem mox aliæ eiusdem orbis partes substituantur, atque succedant. *An* quia uel tempus, quod cœlo lato cōficitur, uel ipsamet cœlestium orbium latio, futura erat omnium latiorum mensurar: quam esse breuissimam in uno quoque genere operæ preцium est. Latione autem quae per circulum agitur, nihil nec ocyus nec parvius reperire est, quae minimo (ut apud Platonē inquit Elæates hospes) incedit pede. *An* quia ex oībus figuris quae æqualē ambitum comprehendunt, sola circularis et minimum locum occupat, et capacissima est. *Vnde* omnia alia corpora in sphæram inscribere licet, in nullum autē aliorum corpus possibile est. *An* quia cum tellus ipsa sit rotunda: (ut opticis rationibus demonstratur) et aqua tellurem circundans talem figuram obtineat, ut pote cuius partes tandem ad centrum diffluant, quoad in curuaturam attollantur. quā ratione et latices ambiens aer, et aeris ignis supraeclitus, sunt conuexa: par nimium erat: ut cœlum quod elementa complectitur, sphæricum detornaretur: ne si aliquis locus corpore non occupatus maneret, inane intus relinqueretur. *An* quia ita synopticae rationes postulant: tum et exoriens sol, et per diem medium prouectus, umbras ad medium eiaculatur, tum et si nulla ostent in cœlo nubium impedimenta, pari semper in quauis cœli parte spectandus magnitudine appetet, quae fieri utique nō possent, nisi esset cœlum sphærico schæmatismo ornatum. consentaneum enim rationi esset, ut quā magis proximus accederet, maior conspectibus presentaretur. *An* quia figuram tam mirabilem: qualis est circulus: qui simul contrarias lationes in ante et retrorsum mouet, et ex moto et immobili, curuoq; pariter et cauo cōstat, cuius etiam num quae circulum conficit linea duas lationes: ut inquit Aristoteles

PROBLEMAT. ANTO. LOD.

teles in nulla proportione fertur, tardiusq; & oxyus cietur, prout magis uel minus ad centrū accedit) cælesti corpori adaptare prisci uoluerūt, quo nibil aliud magisq; & que facile admirati fuisse uidetur, ut pote qui moles: quas in cælo indeffessa raptari uertigine uidebāt, in deos retulerint, cōscripterintq;, atq; inde theous apōtōu thēein, id est deos à currēdo appellauerūt. Scholiū. Quod circulus duabus lationibus in nul-proportione feratur sic persuaderi potest. Supposito primo quod dimetiens duas motiones cietur, dum circulum describit, quæ mensurantur duabus lineis rectis quæ cōtinētur à portione arcus à diametro descripti. Ut si in circulo, a,b,c, diameter feratur ad,b, motio eius cognoscitur per lineam, a,d, & d,e, quarum secunda motioni naturali correspondere dicitur, altera scilicet, a,d, nō naturali. ita autem semper cōtingit, q; si & quales arcus ex circulis inæqualibus sumantur, in maiori circulo magis de motu naturali correspondet, minus de non nativo, in minori contra, ut in dia grāmate patet. Quo sit ut quæ à centro fertur: sit maior: uelocius in eodem tempore moueat, quod si secundum laterum proportionē ferretur, sequeretur q; in triāgulo duo latera, reliquo nō lōgiora sed æqualia essent, ut facillime deduci potest.

2 Cur qui sublimia sapiunt: exēutes à centro globos & orbiculos quosdam totos foras receptos, (quos eccentros & epicyclos uocant) tollunt? An quia ijs positis: principalia theoremeta pereunt. Cum omnis motus per naturam corporis cōstentis: aut circa medium totius fiat, aut à centro sit, aut ad centrum, quorum nullum est: si ætherei globi supra exorbitantes polos axesue ferantur. Epicyclorum autem positio: cælestium corporum continuitatem distractabit, & ex dissimilibus motionibus unam lationem cōnectit. Probè tamē dicūtur ista: nec temerarius eorum quibus hæc cōmentandi fuit labor conatus est, ad ostendendum quo pacto in simplos uarij impulsus reducantur. Quod perinde est, ac si quis lineæ cylindrum undiq; circumob-euntis & cogirantis magnitudinem & certos motus deprehendere non potens, rectam lineam assumens, & punctum in ea signās, quæ circum obserret, atque huius lationē pernotās, illius dimensiones inuenisse se arbitratus est. Quæ ita accipere oportet, non ut tanq; ita se rem habere credamus, nec enim parabola, aut curua illa cylindri linea, super illam notam mouetur. Nec super exorbitatibus centrī sidera uoluuntur: cum maxime si illa ponere placeat, eorum orbium centra tantum à telluris & centro totius universalis recedant, ut pilæ solstitialis (quod uicinissimum est) centrū inter Lunæ & Mercurij conuexa cadat. Sed horū ductu & cōspectu manualijs instructione, de cælestium motuum simplicitate coniectare oportet.

3 Cur Sol qui multis numeris minus incitator est, Lunam quæ uelocitate p̄fstat, aliquando cōprehendit? An non cōprehendit, sed cū cōprehendatur, tale uisui ostentum

ostentum se offert: quasi comprehendat, cum à cœtu relicturn Solem nondum menstruo absoluto spatiis, in eodem signo Luna conueniat repetito, si in eiusdem signi principio conuenerunt, tunc enim Phœbus abeuntem & relinquentem se Lunam fuisse tandem consecutus apparet, qui tamen ipse fuerit comprehensus. Sic & cæteri planètes qui tardo sunt incessu, uelociores (ut est apud Timæum) comprehendere uidentur, cum sint ipsi tamen comprehensi. Nam celeres illi pro rata & constanti semper uelocitate giros illos & meandros suos conficiëtes, citatis curriculis cum longissime se abduxerint, rursum ad tardiuagos ueluti ad comperendinum redeunt, iterumque relinquunt.

4 Cur Phœnon & Phæton & Mars nonnunquam in eodem uestigio constitere interdum repedare uidentur, (quod cæteri errores non patiuntur)? An quia Sol & Luna & Stilbon, & Lucifer tā insigni uolatu meant, & orbitas suas peragunt, ut nihil uisum lateat, quem cursum confecerint. Illa autem ita testudineo gradu proreptant, ut nonnunquam stare, interdum retro referri credantur. Nam si spectator astrorum uisus: in telluris meditullio esset, nulla in aspiciendis siderum locis hallucinatio contingerebat, nunc autem propter obtutus eminentiam: cum errores singuli suis quisque orbibus ferantur, accipit eos uisus, & collocat tanq; per signiferū positos, cūq; non multum quid à loco processerint, uisus ab alta tellure prospectans, nō rectā sed per obliquum: in subsequente Zodiaci iam confecta regione demonstrat. urgent tamen illa perpetuo inceptum opus: & antetendunt, cursu non mutato, nec unquam retro sublata referuntur.

5 Cur Phœbæ antea q̄ incipiat fieri noua, ante aurorā apparet, & serius quidē atque ad exortus solis magis: quanto ad copulationem accedit, ab interlunio autem sub uesperam occidente sole inspectatur? An quoniam cum cælestes omnes errorū globi nitātur aduersus primi motus raptationem: Luna celerius fertur, & amplius contratēdit, & obstat. Quo fit ut cū Sol ad obitū perductus est, coitus tēpore, Luna adhuc sub circulū finalem maneat, seriusq; & tardius indies occidat, quo scilicet amplius à sole abscesserit, donec toto orbe lucecat, quo iam tempore per totā noctē conspicua est. Cum uero iterum ad solem imo itinere reuertitur, per singulos dies dodrante & semuntia unius horæ, hoc est undeviginti uicēsimis quartis unius horæ serius exoritur, quia indies propter suum retrocessum exurgit tardius, donec iam cum ipso sole emergat, totumq; diem supra horizontem agat, tota nocte latitā: quousq; sub noctis principium apparere incipiat, pares semper portiones addens ad oppositum interuallum diuentans.

6 Cur Veneris stella sub lucem quidem in occiduis, uespere autem in æois mundi & uni-

PROBLEMA TANTO. LOD.

¶ uniuersæ rei partibus spectatur? An quia spectari astra non possunt, si Heliaco splendore regantur, sed cum tot momentis distauerint, ut minime illustrioris sideris fulgore obnubilentur. Hesperus igitur sub uesperam à qua nomen sibi mutuatus est, ad ortus apparet, cum solsticiale si. lus sub finalē circulum se condit, ante iubar aut aurorā ne ad occasus emicat, cū nōdum Phœbea lāpadis ignis emersit. ¶ Luciferus tūc appellatur. Hoc aut de ortu & occasu respectu solis intelligēdū est.

7 Cur planetæ contrarijs motibus centur: cum ab ortu tendunt ad occasus & ab occasu rapiuntur ad ortus cum opposita eidem simul eodem tempore adesse non possint? An quia ut arbitratur Aristoteles alter illorum nativus illis & pecularis est, alter non naturalis. An uero cum in cælo nihil accidētarium ponere sit decent, ubi omnia primi dei qui machinam architectatus est uoluntate constiterunt, nec figura aut motus sit secundum accidentis, utrosque motus illis secundum naturam esse, & genuinos dicere magis operæ precium est. Hic nāque si duo contraria in eodem subiecto nō coeunt, propter materiæ necessitatem, id est quæ utraque simul protegere, & souere, suoq; sinu suscipere quin pugnant, & desideant, non potest. Non quoniam alterum ab altero pellatur. Illic autem ubi omnia immaterialia sunt, & ascititia illa siluae & notha pulchritudine uacant, quæ ipsa magis turpitudo est) opposita simul cōfluere nihil uetat. Orbibus itaq; & quæ primo, & per se ambo illi motus cōueniunt, quia nullus eorū magis est proprius, in rebus autem corruptioni obnoxiijs, alterū contrariorū maiorem cū materia affinitatem, ut plurimum habere consueuit.

8 Cur tanta est noctium & dierum in æ qualitate diuersitas? An quoniam tellus globosa est ratione cuius finitor horizonis sinuatur, & obliquus orbis efficitur, & parallelorum æquidistantium inæquales sectiones fiunt, ut interdum maior sub noctem portio, minor in diem recidat, aut cōtra & uertex magis aut minus attollitur, quæ uti que si plana & æqualis undique esset, dies ubique cum noctibus exæqueret. Signorum autem obliquus ascensus, uel descensus, utrisque accidit, qui subiecto uel obliquo curuamine finitoris inhabitant.

9 Cur astra recto semper labuntur & incedunt meatu, & erronum more nō mutantur in aduersum? An quia si aplanes nō supra æquidialis & mundi polis, sed super Zodiaci, ut Hipparcus & Ptholomeus arbitrantur: contrarioq; motu ferrentur, fieri nunq; posset, quin qui iam tum pridem, inoccidui ignes appellantur, subitus horizonta deprimenterentur. Sed Arctos nescit occasum, & iam olim plusquam uiginti peregisset notas à temporibus Homeris à quo inoccidua appellatur: si per centum annos unam portionem relaberentur. Et rursus Canopi stella in Alexandria quidem modicam revolutionem in mundi totius circūflexu: supra finalē ambi-

tum

tum facit in Rhodo autem insula auctore Posidonio terminalem circulum ex ima parte uolente cælo corradit, qui si quicquā tantum aduerso conatu profecisset: iam utique aliquando desijset uideri. Vnde cum hæc nō sinit: magis quam auctoribus: rationibus credendum est. Non igitur ignes cælestes testudinea illa latione discedūt. Planētum uero duplex ille fuit necessarius motus mundo, ut generationes & interitus contingent, & elementa genitali coitu miscerentur, ad generationem entium omnigenam, propter diuersitatem & multitudinem motuum a quibus hæc cuncta dependeant.

Cur telluris umbra conoides est? An quoniam collustrante tellus minor est. Quando autem circū fulgens corpus, loco qui illuminatur non est par, tūc umbram in calathi modum prodeuntem & explicantem sese perficit, ut cum æqualia sibi inicem sunt luminosum & id a quo umbra diffunditur: undiq; teres umbra & sibi ipsi similis cylindrum reffers: porrigitur. Hinc igitur Homerus noctem thóen id est celerem dixit: non quia cito labatur meatu, sed quia eius umbra cōtinuo uersus finem in angustum punctum terminatur.

DE IIS QVÆ AD ARITHMETICEN & MUSICEN ATTINENT. Sectio secunda libri quinti.

 Vr septenarius numerus magnæ existimationis ab omnibus esse creditur? An quoniam eo numero dierum remissionem datam ab orbis cōditi labore opifici autumāt? Vnde hūc Pythagorici hepta quasi septa hoc est colendum & uenerādum dictum arbitrātur. An potius quoniam hic numerus oēs in se symphonias: hoc est consonantias continet: in uno nāq; duobus, & quatuor, qui iuncti efficiunt septem: bis diapason armonia est, quæ cæteras cōsonatiarum species sub se habet. An quoniam hic numerus ex duobus ternarij & monade cōstat, quæ ueluti copula & nexus illis est. Nam inter numeros iij lōge dignitate antecellūt, quos uinculum aliquod cōnectit, quam qui dissoluti sunt, & nullo nodo (ut sunt omnes pares) colligantur. An quia hic inter numeros sub denario cōtētos, solus peculiare hoc habet, ut nec gignat ipse alium quēq; inter decada, nec ab alio gignatur. Quā ob causam Minerua est, hic numerus dicatus: quæ fine matris officio exorta ē Iouis capite est, & perpetuo uirgo illibata permanit. An quia in hoc numero & quaternarius & ternarius habentur: quorum alter denarium conficit: ex quo omnia tam æterna & incorruptilia, q̄ corruptionem passim subeuntia Pythagorei cōponebāt. Secūdus uero & principium, & medium, & finem, uel longum, latum, & profundum habet. deq; eo: omnia uel cuncta: dici primum incipiunt, cum de duobus: ambo uel utraq; dicantur. An quia hoc numero naturæ ipsius

PROBLEMAT. ANTO. LOD.

ipsius actiones maxime procedere dignoscuntur. Septima die semen in utero delineationem accipit ad ideam membrorum. quo tempore delapsum si in frigidam deiciatur, subscriptionem manifestam representat. ante septimam inedia et esurito latentis non est. septimo mense dentes pueris oriuntur. septimo quibusque anno permuntantur. secunda hebdomada uiris et foemellis nativus quidam ardor generandae et habendae prolis inseritur, tertia pubes enascitur, quarta magnitudinem integrum sequuntur, quinta iam in uiros undique absolutos euadunt. Septimus quoque internatos nulla foeminea prole mediante susceptus: chærádum strumarumue uim caraticem habere perhibetur.

2. Cur ex aequalitate inaequalitas omnis profluere genitali quodam successu traditur? An quoniam tribus quibuscumque numeris terminisue dispositis sibi ad inuicem aequis, si in secunda quadam serie primū numerū quendam aequū priori accipias, deinde aliū primo et secūdo parem ad ponas, tertio aliū quendam primo et duobus secundis et tertio aequalē subnectas: multiplices duplas procreabis, ex quibus (si eundem canonem admoueas) triplas et ex his quadruplas et sic in cæteris conficias. q; si multiplices conuertas ex eisdem super particulares proportiones facies: si iam dicta methodo procedas, sed ex duplis quidem sesqui alteras: ex triplis sesquitertias generabis, rursusque ex ijs superpartientes progignes (si procreare tibi in animo datū est) Si terminos super particuliū conuertas, et iam dictis rationibus utaris, et deniq; si a primo ad ultimum spes tes: ab aequalitate omnem fuisse ortā et deriuasse inaequalitatis speciem, et proportionē tibi liquido apparebit. An quoniā ab aequalitate quoq; triplex potissima medietas prouenit. Nam tribus unitatibus naturali serie ordinatis: si in secundo uersu: primū primo aequalē facias: secundū primo et secundo, tertii primo secundo et tertio exæques arithmeticā medietas prodit. si uero primæ monadi in secūdo ordine primū aequum substituas, secūdum primo et secundo, tertium primo et duobus secundis et tertio parem reddas: geometricam analogiam produces. Sin autem primum secundæ classis duobus primis et secūdo, secūdū duobus primis monadibus et duobus secūdis: tertii primo, duobus secūdis, et tribus tertijs aequalē ponas, armonicam medietatem comparabis.

3. Cur geometrica medietas inter omnes potior est? An quoniam in se reliquas potestate continet, nam quibuscumque terminis datis, inter quos proportio aliqua geometrica est, si dimidiū excessus maioris minori adiunxeris, medietatem arithmeticam facies. Si uero id quo maior terminus superat: per minorem deductū, perq; quod ex utroq; cōficitur distributū, quod à distributione superest minorē supra cōnectas, armonicā analogiā habebis. Rursus si quatuor termini capiantur sic habētes, ut quod

primus

primus ad secundum, id tertius sit ad quartum, (quod similitudinis rationum geometricæ peculiare est) si secundus inter primum & quartum arithmeticam proportionalitatem obseruet, tertius omnino continebit armonicam, si uero inter eadem extrema alter armonice, alter arithmeticæ mediauerit, necessarium prorsus est, ut perinde ac primus ad secundum, ad eum modum tertius se habeat ad quartum. An quoniam rarer est, nam non inter quoscunque terminos (quod alijs contingit) inter cipitur: sed solum inter eos: quorum uno in alterum ducto sit aliquod latus, soli autem quadrati lateribus constat. An quoniam cum duplex sit iustitia: altera quæ in commutatione rerum uersatur, altera quæ singulis pro meritis distribuit, quarum secunda præstantior longe est, ea quidem quæ in distributione munerum consistit, & largitiones dispensat, hanc maxime similitudinem rationum contemplatur.

4 Cur multiplex superparticulares & superpartientes proportiones dignitate antecellit? An quoniam numeri maxime proprietatem obseruat, cui peculiare est: ut sub finito minori termino in infinitum augendo procedat. quod multiplicibus accedit quarum dupla minima est, sequens uero quelibet maior. An quoniam ab unitate simplicissima & idividua progignitur, ut super particularis a binario, a triade autem superpartiēs. An quia toties certisq; uicibus minorem terminum in se continet, ut quaternio nihil aliud q; bis duo est. Super particularis autē præter totum, eius etiam aliquam partem relinquit, in quo superpartientem superat, quæ a diuisione non unam sed plures minoris a toto adhuc habet. Porro ob id etiam superparticulari multiplex excellentior est, q; illa quantitatis continuæ naturam refert, in eo q; minorem terminum in infinitum minuēdo procedit, haec autem discretæ. Nā sub se qualitera, quæ maxima est, infinitæ minores reponuntur: Vt trisq; uero superpartiēs ignobilior & inferior est: q; differentia maioris termini utrumq; non permetitur: quod in multiplicibus & superparticularibus passim euenire cognoscitur.

5 Cur cum inter binarium & quaternarium ternarius arithmeticæ sit medius: idem binarium itidem & senarium armonice mediat? An quoniā uniuersale theoremā est a numericis demonstratum, q; si unius alicuius termini unus duplus: & alter triplus sumatur, q; duplæ quidem proportionis medius terminus arithmeticus, triplæ armonicus est: & q; duplus maior, eiusdem triplæ terminorum arithmeticæ proportionalis est, ut exemplis facilime constat.

6 Cur duo numeri quicūq; ab eodem multiplicati eandem inter se proportionem obseruant, quam a principio habuerūt? An quoniam proportionabiliter crescūt, ut qui per eūdem numerum multipliciter augeantur.

7 Cur post binas duplas binæ sequi alteræ proportiones continuo se subsequentes

PROBLEMAT. ANTO. LOD.

tes succedit? An quia omnis numeris multiplex tot superparticulares præcedit quotus ipse est ab unitate eiusdē denominatis. Sic à triplis sesquitertia: & à cæteris multiplicibus sibi correspondentes superparticulares: medietatem, uel certam totius partē addēdo producūtur: tot numero cōsequētes, quo multiplices ab unitate distant.

8 Cur sesquioctauā proportionem (quæ tonus in musicis appellatur) in æquas partes: & integra semitonia partiri non est, sed in inæquales, quartū quæ minor est semitonio, limma, id est defœctio, quæ uero maior apotome, id est abscisio dicitur? An quoniam superparticularem proportionem in æqualia dissecare non licet, nā si inter quācūq; rationem sesquioctauam medius terminus quispiam reperiretur, etiā inter octonum & nouenum numeros, aliis mediaret, cū par utrobiq; sit ratio. An etiam quia sesquidecima septima: inter sesquioctauam rationem intermedians semitonio minor est, quia in numeris arithmeticā rationē obtinetibus: inter maiores terminos minor est proportio, atq; hac etiam rationum similitudo quæ inter duenos quadragenos & ternos, & duenos quinquagenos illinc cum senis, (in quibus radicalibus lemmatis ratio cōsistit) sesquidecima septima, minor est: quia terdecim unitatū excessus inferior est, q̄ sit decima post septimā inferioris termini portio. An etiam quia proportio inter duenos quadragenos & ternos & alia ex parte duenos septuagenos & ternos cum tribus octonis consistens, quæ sesquioctauæ rationem habet, ex proportionibus ducentorum quinquaginta & sex ad minorem & maiorem terminum componitur: quarum longe maior est superparties quæ septendecim partibus cum quarto & octavo superat, ea quæ terdecim unitatibus excedit, atq; illa apotome uocatur, cuius terminos si octies multiplices, constitues duo millia & quadraginta & octo, & bis millia & centum octuaginta & septem in quibus: sine ultra unitatum in minuta cæsarum sectione apotomes ratio obseruatur, quod maius semitonium est: quia ex ductu illarum trium octuarum cum reliquo numero integer numerus oboritur.

9 Cur diapaso & diatesaron nullam musicam consonantiam facit, ut diapaso & diapente? An quoniam hæc triplam multiplicem reddunt. dupla autem adiūcta sesquitertia in suprapartientis concidit genus, quæ nequaq; cantibus aptior est, qui in solis multiplicibus, & superparticularibus proportionibus constant.

10 Cur inter duenos quadragenos & ternos, & duenos quinquagenos cum senis, lemma uel semitonium minus reperitur? An quoniam ab hoc ad tercentum cum uicens & quaternis, duo proportiones sesquioctauæ continentur, qui numerus ad minorem illum terminū epitritus sesquitertiue est, à quo si duæ sesquioctauæ demantur: lemmatis rationem: in terminis manentibus relinquunt certissimum est.

Cur

11 Cur eadē chorda impulsa nūc acutius modo grauius resonat? An quādo tēditur: acutū sonū reddit: & otyus aer percutitur, quādo uero remittitur, graue cōsonātiā profert, quia segnius aerē mouet, nec ex unica citatione, quādo tunditur nervus, sonitus ille cōstat, sed ex multis, quae propter cōtinuitatē latent, & unica esse uidentur, ad eū modū in hieme, & humecto aere, graue perstrepunt chordæ: in uere autē & calidis horarum momentis, acutum quid atque sonorum.

12 Cur tria armoniarū genera fecerūt Dorian & Aeoliū & Ionicū? An quoniam tot fuerunt ceteris imperantes Grætie populi, Dorij seueri & graues, E. Aoles fusi, & arrogantes: quorū armonia subdoria etiā dicitur, quod ad illam proxime accedat. Iones austeri, & acerbi, & musicen habentes cuius ad tragædias usus aptus. Phrigiū aut, & lydiū à barbaris i uicino incolētibus postea acceptū est.

13 Cur musici. R. litterā sēpius cōcentibus adhibent. S. uero plurimum deuitant? An quoniam ex semiuocalibus suauior, & bene mobilis est, & suapte spōte ab ore fluere uidetur. Quā ob causam Græci hanc litterā omnibus quae indigite & præpete latione agitantur: apponere curarūt: ut cū aerem dicunt, & aquam hydor, & thermōn calidum. S. autem difficilis duraque & pronunciatiu aspera est, unde equos quorum durum & intractabile est os: samphoras quasi in faucibus sigma littaram ferentes: Argolici appellant.

14 Cur circulus finitus & infinitus simul appellari potest? An finitus quidē, quia unico circūferētiae abitu undiq; circūscribitur, infinitus aut nō absurde nūcupabitur, quia nullū in eo assignare pūctū est, quod magis principiū q̄ finem appellare possit.

SECTIO III. EA CONTINET QVÆ AD artes logicas hoc est rationales spectant. De ijs quae ad grammaticem.

 Vr artes nō omnia redegerunt in artē, sed multa extra artis fines posita reliquerunt? An quia non ipsæ sibi artes artis opera inuenierunt, sed cum reperisset usus, emendarunt. Ut in arte grāmatica uidere est, nam cum haberent opus homines: ut mutuos animi affectus & concep̄tus sibi alternis significarent, loquendi rationem necessario sunt commenti, & nōces atq; dictiones: prout forte fortuna casuq; cōtigit, procrearunt inter se, quarum plurimas qui in ea rediligenter sunt uersati, certis artis limitibus concludere sunt conati, cætera uero quae decorem illum artis & eurythmiam subire, & ad exactam libellam stare, & conformari non poterant, intacta prout usus præualuit omiserunt, indefinitæ enim rei, non nisi indefinita est regula, ut prodit Aristoteles de Lesbijs lapidibus: qui non ipsi ad structuras & edificandi rationē, sed potius canones ad illorum duritiem indomitam accommodabantur.

PROBLEMAT. ANTO. LOD.

2. Cur solœcismum à barbarismo differētiā facere uolentes : in propositione oratione absoluta constare eū afferūt, cū si quis ad quærētem quis te percussit, gestu foemina demōstrās: hic respōdeat, unica dictiōe solœcismū cōmisiſe uideatur? An nō sine uerbo rationē is protulit, quod ante prolatum subintelligi nihil uetat. An potius nullatenus solœcismū fecisse dici quoquo pacto debet, qui nihil aliud est: q̄ repugnās qui lā, & sibi non adhærens in oratione dictionū cōplexus, quod fit si constructio peccet, uel genus dis̄ideat, uel numerus nō conueniat, ut si dicat quis ego uerberamus, uel tu percutis seipſū, & duo scopuli, alter humili, alter excelsus, cum ex duobus scopolis, uel duorum dicendum esset, & pulcher puella, cuius inconstātiæ & dissidiū auditorij meatus hoc est aures ipsæ (ad quas hoc arbitriū & norma re ēte loquēdi pertinet) nō oculi iudiciū ferre debet. Nūc autem illius responsionis absurditatē, si quis uel oculos contritos habeat, aut defossos, aut in nocturna consistēria illam responsionem audiat, uidere nō poterit. Vnde nec solœcismi rationem habere dicenda est. Pari pacto si præsente foemina dicat aliquis, hic flagello me cecidit, sermo sanus est, intentio autem peruersa.

3. Cur cum tempus continuo labatur, præsens aliquod esse diffiniunt, quod nunq̄ cōsistere nouit? An quia tēpus cū latitudine percepta & dilatione accipient, quod tunc esse dictari consuevit, quando momentum aliquod internum cōtinuatiū suarum partū est. An uero tēpus pro instanti capiunt, quodq; nec ante præcessit, nec post secuturū est, tempus præsens appellant. Perinde ut si quis in canalis affatim fusimq; profluentis riūlo digitum intingat, is non ex aqua quæ iam profluxerat, nec ex ea quæ adhuc in fluore non erat, digitum madidum retulisse, sed ex præsenti latice maduisse dici meretur.

4. Cur pronoīa sūt inuēta: cū noīa pro quib; ponūtur, abūde fuisse ad explicādū satiū uideri possūt? An quia euilētius res additis pronomiñbus exprimuntur. Vt hic Petrus prædicauit, uel ipse Pythagoras dixit? An quia cū noīa oīa sint tertiae personæ cū qua etiā directe cōstruūt, nō posset quispiā uel de seipso, uel ad alterū loqui, nisi pronomē additū personarū cōfusionē distingueret, & nomē ad bāc uel ipsā personā cōtraheret, uocatiū aut nominū casus ad secundā referuntur.

5. Propter quid infinitus modus cæteris tēporibus post ponitur? An quia propriis dicitur modis: qui affectū & uolūtatē mentis aliquid cupiētis designat. infinitū aut tēpus solū actū, & nō mētis cupiditatē importat. cætera uero & actū & affectū, ut cū dico scribo & uelle scribere me, & id opere iā cōplere, facio manifestū. 6. Cur orthographi scriptoresq; in mēbranis quidē tenuiori utuntur atramento, cū uero in papiris scribunt, quas ex tritis lacernis de more faciunt, grossiori chartas

chartas illi nunt? An quoniam membranum non facile suscipit, & imbibit humorem, qui si semel inhæserit, seros ad nepotes peremnet, atque ob id ut ingrediatur, & subeat, subtilius usurpat, quod si chartis papirisue adhibetur, dilutas guttas geminaret, quibus propterea crassius & astringens magis atramentum conuenientius est: quod in summo oblinatur.

7 Cur epicos carminumque hæroum compostores rapsodos uocauerunt? An quia cum rabdo id est virga, uicos pagosque circum obeuntes, canebat odas: melicorumque concentus. An quia primi huic generis auctores: quæ vulgi ore dicta, egregie & acute circumferebantur apophthegmata, paroemias, leges quas canere consueabant, in unum componentes: ex diuersis carminibus & centonibus: opus consuebat, raptus autem Græcis suerit. quod in Homeri rhythmis numerisque à critico grammaticorum grege factitatum proditur.

8 Cur qui orationem grauem & seueram facere uolunt, dictiones collocant & connectunt, quæ o. et. a. litteras in calce gerant, ut Plato, late autem imperans saturnia propago instellato Olympo, uolatico esedo impulso defertur? An quia eæ duæ litteræ ora & hiatus distendunt, tumidosque reddunt, ceu ampullas, & multū tempus in earum prolatione consumunt. Vnde & syllabas longas quoad possunt usurpat, i, uero &, u, ceu scopulum fugiunt, quia deducunt, & ueluti occludunt loquentis fauces. Nec deffuerūt, qui oionisticen id est auguralem Oonisticen per magnum O dicerent ut pleniore uocabulo uterentur.

9 Cur thecas loculamentaue quibus res seruandæ reconduntur armaria appellarerunt. An ab Herma hoc est, à Mercurio quasi Hermaria hoc est Mercurios dicas. Veteres nāq; huic deorū caduceatoris atque interpretis imagine, statuas quasdam sessiles & sedentarias, tum pedibus tū manibus carentes, ex lapide aut quavis alia materia ex primebāt, in quibus obducto hostiolo, quod extrinsecus obsignabat, eorum quos sibi deos putabant, simulacra reponebant.

DE HIS QVÆ AD DIALECTICEM

 Vr sophistæ gloriā magis quam rerum scientiā ueram aucepātur, uiderique magis quam esse præoptant? An quia hoc illi citra sudore & puluerem quod dicitur facillime cōsequantur, cum uel tenuem ueræ sapientiæ umbram comparare nimis sit operosum: & quod magnis & ingentibus laboribus constet. Quorū impudentiam uel ex eo maxime percipias, quod cum Socrates qui nihil non mirifica quadam sapientia fatus rerum aut dixit, aut gessit: nihil se scire confirmaret, Protagoras unus ex numero sophistarum, in tantā insaniā processit, ut omnia se nosseasse ueraret. Nullus (inquit) hactenus in hac usq;

PROBLEMAT. ANTO. LOD.

diem cui ego fuerim congressus, à me noui quippiam sciscitatus est, nescio enim quonā pacto eadē ipsa: quæ multo ante cognitione præcepi, me omnes interrogant.

ii Cur cū probabilibus tātū rationibus: sophistes & dialecticus pergat & argumētentar: inter se tamen distinguātur? An quia alter alterius est finis. Nā qui dialecticis argumentationibus nititur, gloriam dū taxat ex illis ut cōsequatur: hoc agit, qui uero sophisticis artibus pugnat, ditari tātū: & opes congerere intendit.

12 Cur demonstrantes non interrogant? An quia qui rogit utrāq; partem contradictionis comprobare paratus est, qui autem demonstrare conatur: alteram dū taxat partem inducere contēdit. nec unq; diametrum costæ quadrati cōmensurabilem esse, uel triangulum non habere tres æquales duobus rectis: ut, comprobet, rationationem afferet. An quia qui interrogatione utuntur modo hāc modo illā pronunciati partem assumūt, ut oppositum respondentis astruāt. Sed qui demonstrationē adhibet: unū tantū diffinitūq; accipit, ut scilicet si ita res ferat: q; trigonus tres angulos habeat duobus æquos qui ex ordine ponuntur, ex quo potius non autem ex eo q; tres anguli trigoni inæquales sint illis duobus qui ex casu lineæ rectæ in aliam conficiuntur: ipse habet intentū. Adde q; qui rogitare cōsueuerūt: nūc has modo aduersas propositiones arripiunt: prout in rem suam magis interesse censem, demonstratio autem non fit ex ambobus, nec aduersa captat: sed primas, ueras, & immediatas, certasq; quasdam pronunciationes afferit, quæ sint priores, & notiores, ipsiusq; conclusionis inferendæ causa: ut demonstrandi negocium peragat.

13 Cur inter artifices qui easdem artes operis amore, non lucri, & commodorum spe profitentur: contentiones, & mutua dissidia exoriuntur, alijs hoc quid ad rē tam, utilem esse contendentibus, alijs contra negantibus? Vt in re medica haud obscure, nec lippis oculis perspicere est. Sunt enim nōnulli qui in omnifaria inedia: & esuritione usque ad uigorem morbi ægros continendos esse uelint, nec desunt, qui nō tenuius sed crassius uictu uti oportere contendunt. Nonnulli multis solam sufficere arbitrantur, cremorem hordei multi laudant, alijs & hunc uituperant, & totas ptissimas exhiberi operæ preciū fore aſſeueraūt. Denique nedū rē medicam, aut naturalem, & supernaturalem, uel diuinam philosophiam (in quibus nihil mirum est, si de rebus sensui non subiectis disceptationes uerſentur) professorum pro captu arbitrantium multitudo uersat, sed & nulla ars est aut scientia, cuius decreta sensu dijudicari licet, quā non sursum atq; deorsum, buc atque illuc, uarie opinatiū sententiae & opinioēs exagitēt. An quoniā hoc huic, illud illi, aliud alijs, ex usu & accōmodum est. nō omnibus autē omnia. Singuli autē unū aliquod præsidiorū salubriter experti, ijs solis acquieuerunt, ueriti nē aliud quodpiam infœliciter experirentur, quæq;

quæq; aliquos iuuissē obseruarunt, ea omnibus competere audacter pronunciarunt. quæ nāq; quisq; profuisse uidit, ea in omnibus pari ui profutura sibi ipsi persuasit. Res autem non sic habet, multum enim naturæ inter se differunt. Sed is solus qui in differendi artibus fuerit exercitus: quiq; quid simile, quid dissimile, in rebus pernoscerre didicerit, quidq; commune, quid priuatum, in quo singula ab alijs cōmunicer, à quibus priuatim in quo dixerant, quid commune multis, quid singulare, facile causam artificum discordiæ comprehendet.

14 Cur sēpe qui eandem artem pertractant, non eadem de eisdem diffiniunt, & opposita dicere uidentur? An quoniam uniuersales pronunciationes faciunt, de ijs quæ per partes uiserunt, uel ad plura rem deducunt, & extendunt, q̄ suapte natu raprotrahi & pati possit.

15 Cur nomen & uerbum à criticis grammaticorū censoribus & Aristarchis primas obtainere partes iudicentur? An quia se solis perfectam & absolutam pronunciationem nullo altero indigentem, ut integer sensus auditorireddatur, constitue-re possunt, quod reliquias orationis partibus: haud quaq; contingere uidetur. Nam si quis efferat, & ille idem homo hodie dilapsus concidit, quæ ex omnibus partibus constat, ita ut ille articuli uim ferat, si aut copulam &, aut pronomen idem, aut aduerbiu m hodie, aut præpositionem cum, aut participium dilapsus, ita ut homo cecidit relinquatur, remoueat: nihil obseruit, quominus integræ sit oratio, dum si aut nomē, aut uerbum tolleretur, plane nihil certi, qui audit, percipere possit: sed adhuc dicentis ora teneret, & suspiceret, quidnam tandem additurus esset.

16 Cur cū præteriti tēporis differētias plures litteratores fecerint, nam & in id quod olim gerebatur, & quod mox perfectum est, & quod etiā num geritur, nec dū ultimā manū uidit impositā, secuerunt, futuri tēporis rationē nō ita habuerūt, ut fru strati distinguerent, quid mox, aut quid olim futurū esset, aut quod sic incipi debe ret, ut non perfecte compleretur? An quia præteriorum iam & confectorum cer ta pronunciatione est, quia nec infecta, quæ sunt facta fieri possūt. Futura autē ambi gua & incerta sunt, ut nullus præscire, aut prædicere quem euentū res sortitura sit, nisi dei munere possit, qui nō præsentia magis q̄ quæ lōgissime absunt, & quæ nō dum entis appellatione censem̄t, sed in causis suis abdita delitescunt, in diuinitatis suæ speculo contemplatur, in quo q̄uis immutabili existenti, omnium rerum mutabiliū, quæ indies innouantur, uicissitudines, & notiones referuntur, & sine ulla co gnoscētis mutatione colluēscunt.

17 Cur in syllogismis altera maior altera minor propositio appellatur? An quia subiectū minor terminus dicitur, prædicatū aut̄ maior quia de pluribus semper

PROBLEMA. ANTO. LOD.

\hat{q} subiectus terminus, dici aptum est. hoc autem de paucioribus: nec de numero aequis, nunquam de pluribus \hat{q} prædicatu accipitur. Illa igitur propositio in qua prædicatum conclusionis inferendæ ponitur, maior merito nuncupatur: in qua autem conclusionis subiectum medio termino subiicitur: minor non abs re nominatur. Ridiculi autem forsitan sunt: qui propositionem primo conceptam ab intellectu maiorem diciuolunt, et si qui alia tradiderunt.

18 Cur figurarum prima nobilissima censetur? An quia cum duo in propositionibus attendantur, quale: ut affirmatio scilicet et negatio, et quantum: ut universale et particulare, quorum affirmatio negationi praestat, universale autem particulare est potius, in prima figura et affirmatiwas tam particulares \hat{q} universales, et universales tam affirmantes \hat{q} negantes concludere licitum est. Quo circa artes omnes atque scientiae, quae universale aliquod dogma, vel theorema, vel placitum ad actionem tendens, vel contemplationi addictum colligere uolunt, hac maxime impensis figura uti dignoscuntur. An quia aliæ figuræ ab hac procreantur, et gignuntur, et ad hanc tantum ad principium et causam reducuntur. Nam si ex duabus propositionibus in prima figura dispositis: alteram hoc est maiorem conuertas: ex illis ijsdem in secunda figura propositum demonstrabis. Si uero minorem propositionem permutes: aptas habebis: ad ratiocinationem in tertia inferendum. An quia cum triplex sit syllogismus, demonstratus, qui dignitate præcellit, et dialecticus: et sophisticus qui dialecticis quidem arguedi formulis utitur, sed perpera arguit, ut pseudigraphus qui hypotheses geometricas usurpat, sed problema nequaquam sed longe (quod aiunt) à diagrammate describit. Qui demonstrant primam figuram adhibent, qui uero dialecticos syllogismos connectunt, secundam sibi uendicant, in qua negatiua infertur, ut pote quibus non adeo propria decreta statuere, et construere, quam opus eorum quae aduersarius afferuit, concludere propositum est. Sophistæ autem qui nihil maiori precio emerint, \hat{q} si partes totis et quales ostendantur, quique id duntaxat agunt, ut leuiculam auram, et uel emptum applausum aucepentur, tertia abutitur, in qua particolare concluditur. Porro tertiam secundam quantitate superat, quae universalia et si negatiua infert, secundam tertia uincit qualitate.

19 Cur tertia figurarum pre alijs plures modos coniugationesue habet, quibus syllogismi complicari possint? An quia prima maiorem ut sit universalis postulat, minorem ut affirmet. Secunda ut maius pronuntiatum universim accipiatur, minus autem ut oppositæ sit qualitatis requirit. Ut namque omnium commune est: ut nec ex particularibus: nec ex negatiuis quicunque concludant, ita huius peculiare est: q. ex duabus affirmatiuis propositionibus nihil peragat) ad tertiam autem id unum sufficit, ut hu-

us sicut & primæ minor affirmet, maiori qualicunque existente.

20 Cur dialectica philosophiae pars esse non potest? An quia omnis ars quæ alterius sine utitur, principalior & magis architectonica est: q̄ ea cuius opus usurpatur, ut facultas militaris quæ equo utitur, ut comparet uictoriam, q̄ ea cuius fr̄nu est labor. Artiū igitur plerasq; dialectica p̄fūlare nihil dubium est, quæ illius opera utuntur, at nec philosophy: nec quavis eius parte dignius (quæ nobis hominibus una ex cæli regionibus data est) dicere quicq; possumus. An uero quia ut sciētia quæpiam aut facultas alterius pars esse dicatur maxime opus est: ut finē ipsa alii quæ peculiarem præter illius superioris finem habeat proprium quem construat: cuiusq; gratia cūcta laboret, & patiatur: qui finis sub illius fine reponatur. Nam semper generalior facultas quæ rationem architecturæ magis subit, plures inferiorum artiū fines colligit, atq; complectitur. Ut œconomicè cui cura domus est: sub ciuili quæ urbem curat, collocatur, quæ nihil aliud est q̄ domorum multarū collectio. & medicus ophthalmico superior artifex, quia totius hominis sanitas oculi hospitatem ut partem comprehendit. Dialectica autē uel ars differendi nullum quempiam talem finem ipsa conspicit, aut agit, sed solius philosophiae gratia discitur, nē in congreſſibus & ueri inuestigatione fallantur, illius ergo organum est. Nec uero quia eam constituerit & inuenierit philosophus, instrumentum propterea esse non potest. nam & incudes & malleus & forcipes sunt organa fabri, quæ illum confecisse proprijs manibus nihil obstat.

21 Cur AEthiops ater dicatur cum ungues, dētes, & pedum manuumq; interna sit albus? An quia ad hoc ut aliquid tale dicatur, abunde est, ut per maiore partem sui diffusam habeat qualitatem. An uero quia & si dentes ebore magis cādentes habeat (ad quod multum facit furfuraceus panis quo plurimum utuntur, qui abſtergendi maxime ui pollet fōrdes & lentoſ qui dentibus adhæſerūt) nihil obſtet quo uel coruo nigrior appelletur. Non enim secūdū eandem partē qua noseum furū uocamus, inhārentem alborem obtinet, eſſet autem manifestus elenches: si quis eadem parte fuscum & candidum comprobaret.

22 Cur Aristoteles philosophus ad quorum negotium totus finis spectat, ut de demonstratiō syllogismo pertractent, quo cum scientia comparatur, de sophisti- cis redagationibus, quæ non adminicula, sed impedimenta potius sunt ad ueritatē consequendam, & importunæ quædā cauillationes, quibus imponere atq; seducere animos sophistæ nituntur, ſibi agendū proposuit? An ut scientes quotupliciter fal- lerent, & quibus modis ueritas deſtruatur, & mendaces sermones mentibus inge- rantur, magis refellere, & reuincere poſsimus eos qui nos redarguere moluntur.

20 PROBLEMAT. ANTO. LOD.

Vt enim qui nodorum rationē nouit, quibus fasces neclūtur, facile vincula eius quod religatū est, resoluere sciet, ita qui technas calleat quas astruūt per otium sedētes intus: sophis matum malorum compositores, minus illorū laqueis irretiectur. Et ueluti medici non salubria solum, sed & pernicioſa medicamina considerant, ut ab ijs abstineant, ab illis sanitatem recuperent, qui ægrotant, ad eum modum philosophum tā de demonstrante, q̄s de captiosa ratiocinatione, ut ab hac caueat, illa utatur, perscrutari non dissentaneum est. Nec ad hoc solum ut argutas illas ingeniorum capturas, & improbas subtilitates caueamus, hoc agere decet. Sed ut etiam suo (quodaiūt) gladio, suis que met telis illos iugulemus, suisque artibus & imposturis capiamus eos, qui nobis insidias parabant. Nam fucum facere impostori, & cretizare aduersus cretensem, suoque cautam deludere astu uulpeculam, lucrum & operæ premium est, ut antiquorum pœmiae comprobant. Vnde Aristoteles non de sophisticis syllogismis, sed redargutionibus libro titulum indidit, quem fecit, ut scilicet redarguendos & confutandos esse qui magis uideri quam esse cupiunt, designaret.

ERRATA.

Folio.ij.pag.ij.linea.xij.lege tusculi. in Epigrāmate leg. lapsus carmine quanto, & infra leg. non ero. fo. quinto pag.ij.lin.i.leg. nec oculos aduidēdū fuisse factos & rade fuisse creatos. fo.ij.pag.ij.lin.ij.pro trochorū leg. circorū.li.xv.leg. animāte. fo.xxv.lin.i.leg. Sectio.vi. & pag.ij.lin.iiij.leg. & nōnulla loca uicina non adeo uirtute & fo.xxvi.lin.i.leg. Sectio.vi. & pag.ij.lin.xiiij. leg. basim. fo. xxvij. linea xix. leg. corpora. lin. xxij. leg. concomitātur. lin. xxiiij. leg. innitantur, & fol. xxvij. pagi. ij. linea. ij. lege à dijs sunt perceptae. fol. xxvij. linea. vij. leg. diffluent. & linea. xvij. cieat. fo. xxix. pa. ij. lin. iiij. leg. caui, & fo. xxx. lin. xvi. leg. minime eos in eadem. fo. xxix. pag. ij. lin. xix. leg. nō cōueniūt, & lin. xxv. leg. nec ullus calor est.

61

BREVIS ELENVS LIBRORVM
quinque, & omnium Sectionum quae sunt in hoc
opere Problematum.

Epistola nuncupatoria ad Ioannem tertium Lusitaniae regem.
Operis prefatio.

LIBER PRIMVS CVIVS,
sunt Sectiones sex.

Sectio prima libri primi continet nonnulla quae hominem concernunt habet Problemata septem.

Sectio secunda eorum quae ad physicem pertinent continet Problemata. 17.

Sectio tertia libri primi cōtinet Problemata de mero temulētia Venere & alia. 33.

Sectio quarta Problematum naturalium de aetatis, temporibus, consuetudinibus,
& temperaturis quæstiones continet Problemata autem. 22.

Sequuntur Problemata de atrabiliosis. 14.

Sectio quinta Problematum naturalium de animalibus, Problemata continet. 22.

Sectio sexta Problematum naturalium, in qua de platis, herbis, fructibus quæstiones afferuntur. continet Problemata. 25.

LIBER SECUNDVS,
cuius sunt quinque Sectiones.

Sectio prima miscellanea multa & uaria Problemata continet.

Sectio secunda de ijs quæ ad sensu organa attinēt, & nonnulla de somno, de insomniis,
de singultu, memoria, & de sudore, & alia id genus. cōtinet Problemata. 24.

Sectio tertia libri secundi Problematis continet Problemata quod ad mores attinēt. 14.

Sequuntur Problemata amatoria.

Sectio quarta libri secundi in qua redundunt causæ aliquarum consuetudinum quibus Romæ erat usus.

Sectio quinta libri secundi in qua nonnulla de legibus.

LIBER TERTIVS,
cuius sunt Sectiones duæ.

LIBER

Sectio prima continet ea quae ad supernaturalem philosophiam concernunt.
Sectio secunda libri tertij in qua insunt quae ad diuiniores sermones spectant Problemata autem. 14.

LIBER QVARTVS PROBLE
mata continet quae ad res medicas faciunt.

LIBER QVINTVS, CVIVS
sunt Sectiones tres ea continet, quae ad inge-
nuas disciplinas pertinent.

Sectio prima de ijs quae ad astronomiam.

Sectio secunda de ijs quae ad arithmeticem & musicem attinent.

Sectio tertia libri quinti ea cōtinet quae ad artes logicas (quas vocat) hoc est ratio-
nales spectant.

EXCVSSVM EST HOC PROBLEMA-
TVM OPVS DIVINO FAVENTE
NUMINE OLYSSIPONE MEN-
SE IANVARIO, ANNO


A VIRGINEO

PARTV

M D

XL

LIBER





Sala R

Gab.

Est.

Tab. 54

N.^o 4